

第一冊 名勝 園林 祠廟

古今聯語彙選二集

商務印書館發行

古今聯語彙選二集目次

名勝一
名勝二
園林
祠廟一
祠廟二
祠廟三
刹宇
慶賀一
慶賀二
哀挽一
哀挽二

哀挽三
哀挽四
廨宇
學校
會館
戲臺
雜題一
雜題二
雜題三
投贈一
投贈二
諧謔
諺語

古今聯語彙選二集

名勝一

北京新華門之豐潤園內有頤年堂爲清乾隆時

受八旗貴族賀禮及平時賜宴之所門上懸有

高宗御製聯云

雉扇排雲花紅鳴劍佩 鶯簧送暖柳綠

拂旌旗

陶然亭有盧禪普聯云

爽氣抱城來拄笏看山宜此地 綠陰生

畫靜憑闌覓句幾閒人

又某君聯

憑高喜見諸天月 入座微聞百合香

又蔡錦泉聯

客醉共陶然四面涼風吹酒醒 人生行

樂耳百年幾日得身閒

又翁方綱聯

烟籠古寺無人到 樹倚深堂有月來

又林文忠集句聯

似聞陶令開三徑 來與彌陀共一龕

又江峯青聯

果然城市有山林除却故鄉無此好 難

得杯酒澆壘塊釀成危局待誰支

泰山孔子崖有徐清惠公宗幹集句刻石聯云

仰之彌高鑽之彌堅可以語上也 出乎

其類拔乎其萃宜若登天然

濟南大明湖中有合肥李公祠明湖之西北有北

渚亭宋晁無咎所居也祠前一亭峙于湖心楊

文敬集杜爲聯云

中天懸明月 北渚凌青荷

濟南歷下亭爲李北海杜少陵游憩之所有聯云

海右此亭古 濟南名士多

又豐申泰聯

鑿壁開窗最可喜 雪霽南山霞明東海

皮牀枕水有幾個 春宵聽雨秋月彈琴

又方萱年聯

獨上高樓是山色 湖光勝處 誰家畫舫

正清歌美酒酣時

又某君聯

有鶴松皆直 無花地亦香

趵突泉在濟南府城西南平地湧出蓋濟水伏流

重發處也吳菊隱大令寶三題聯云

有本者如是 知幾其神乎

潘四梅煥龍臥園詩話云山西聞喜縣紅鶴樓峙

於澗水之旁地當要衝往來者踵相接劉竹笑

太守爲宰時題聯云

樓中幾閱古今秋 想當年丹翼飛來放眼

都成仙世界 橋上許多名利客到此地

綠陰深處回頭卽是小蓬瀛

杏花村黃公燼有陳省齋太守聯云

至今村釀黃公酒 依舊花開杜牧詩

蘇州虎邱問泉亭之旁卽慈愍泉真娘墓在焉俞

曲園先生有聯云

一勺試清泉聞故老流傳是醜師開山遺
跡千秋埋豔骨笑游人開賞祗真娘古
塚題詩

滄浪亭爲宋蘇子美遺跡王凱泰有聯云

六境畫圖中此地尙分今月照 十年烽
火後名山重仰大雲垂

又洪文卿殿撰聯

徙倚水雲鄉拜長史新祠猶向羈臣留勝
跡 品評風月價吟廬陵舊什恍聞孺子
發清歌

又商邱宋牧仲舉聯

共知心似水 安見我非魚

古今聯語彙選二集 名勝一

或有改水爲火改魚爲牛以暗合公名者公閱之
大笑亟命撤去

虞山麓逍遙遊有翁方綱聯云

山川雨露圖書室 風月琴尊水竹居

拂水山莊有柳如是所書聯云

淺深流水琴中聽 遠近青山畫裏看

香光樓在南匯昔年張文敏公照之外家居於斯

故爲公幼年讀書處乾隆間胡志熊大令率南

匯建斯樓樓臨荷塢備四時之景公晚年重至

斯邑手題繡佛前三字榜書毀於兵燹後無爲

蔣穉林大令調署南邑補書懸之某君題聯云

招鶴問前因憶齋頭繡佛題名我輩到來

難免俗 戲鴻留妙跡看樓外新荷放筆

先生在上敢言書

又聯

明月上樓臺最難忘勝地名賢青燈滋味

奇香盈水面還不負吾曹良相白社閒

情

又聯

三間樓繡佛前思翁妙諦誰參得 一湖

水明鏡裏賢宰到此盍鑒諸

崑山縣馬鞍山廣袤三里高七十丈上下樓臺層

疊山半有亭道光甲午侯官林文忠公登此集

石湖放翁句爲聯云

有情碧嶂團團繞 得意孤亭縹緲間

惠泉山雲起樓聯

圖書府半日閒嬾坐看雲起 杖履中百
年春在更上層樓

又慶綸聯

騰兩邑之歡千村稻熟 據一山之勝四

照花開

蘭陵城東之皇華亭近揭懸錫二山金匱令韓春

田題聯云

津路控吳趨君子至斯欣得見 郵亭對

惠水好山相對欲忘疲

金陵玄武湖在太平門外周圍三十餘里盡植荷

菱三面皆水非舟不達曾文正督兩江時築長

隄以通往來人以比杭之蘇白兩隄隄旁湖神

廟面湖而築小樓三楹足攬全湖之勝薛慰農

觀察題聯云

三百年方策猶存賸
鳧渚鷗汀時有雲烟
入圖畫 四十里昆明
依舊聽菱歌漁唱
不須鼓角演樓船

掃葉樓有聯云

一逕風飛飄落葉 六朝山色擁重樓

又聯

落葉人何在 登樓思悄然

來青閣有劉世珩聯云

江山留勝蹟 西北有高樓

金陵雨花台距聚寶門外約二里山勢頗高相傳

爲雲光二祖講經處有永寧泉茶舍許振禕聯

云

獨攜天上小團月 來試人間第二泉

又何維樸聯

小窗多明俯拾卽是 衆山倒景乘空欲
飛

南京雞鳴寺在北極閣東距城頗近高踞山嶺上

有樓可瞰城外寺東有陳後主胭脂井亦名辱

井又有梁時臺城廢址張文襄督兩江大加修

葺捐資建樓取杜老登來豁蒙蔽語意以豁蒙

名樓黃建筦有聯云

遙對清涼山近臨北極閣更看臺城遺址
塔影橫江妙景入樽前一幅畫圖傳勝蹟
昔題憑墅處今日豁蒙樓卻喜玄武名
湖荷花滿沼好風來座右數聲鐘磬答蓮

歌

景陽樓有一聯云

鷄籠山下玄武湖邊振起景陽樓舊址

帝子台城胭脂古井依然同秦寺舊觀

久不作白下之遊每唸莫愁而愁遙想勝棋之勝

集句寄一聯以寫予懷聯云

畫欄日暮起東風棋聲吹下人世 大地

春歸如斷梗江流淘盡英雄

莫愁湖有合肥劉銘傳聯云

笠屐此重來風月依然魚娃學打花邊槳

古今同一局湖山再造國手能生劫後

棋

又吟香外史彭玉堯聯

勝地足流傳直博得一代芳名千秋豔說
賞心多樂事且看此半湖烟水十頃荷
花

又瑞安孫衣言聯

玳梁燕去玉座苔移千古猶留憑眺處
天際遙青城頭濃翠一尊來坐畫圖間

又劉焯聯

明月幾時有更上層樓聽棋子聲中誰操
勝算 美人猶未來且搖小艇向藕花香
裏自遣閒情

又湯盤仙聯

湖水本無愁問如何千古英雄只許一樓
分黛色 佳人空絕代看多少六朝金粉

更誰此地鬥蛾眉

又丁戊擬聯

鬢霧衣香餘六代 鞭絲帽影出三山

湖在三山門外俗名水西門

曾公闈有潁川程文炳聯云

六代鶯花併作王侯清淨地 一湖烟水

盪開兒女古今愁

又單之鎮聯

風景宛當年淮月同流商女恨 英雄淘

不盡湖雲長爲美人留

又曾廣照聯

撼江上石頭抵不住遷流塵夢柳枝何處

桃葉無蹤轉羨他名將美人燕息能留千

古今聯語彙選二集 名勝一

古迹 問湖邊月色照過了少年華玉

樹歌餘金蓮舞後收拾這殘山賸水鶯花

猶是六朝春

鎮江府石公山在郡城東北大江南岸與焦山對

峙巖壑奇秀爲洞庭七十二峯之冠山有石公

菴菴有翠屏軒介雲洞明月灣之間聯云

歸雲洞口雲千疊 明月灣頭月一輪

又聯

眼豁湖山真面目 氣吞吳越最精神

又軒後有亭署曰斷山聯云

岫引天風波上下 亭飛海月翠空明

石公山頂有來鶴亭金君鶴望囊曾游此導遊者

笑曰來鶴鶴來此亭待君三百年矣請賜一聯

七

金君遠撰聯云

問鶴幾時來我本去來無定迹 逢山且

小住君知去住有前緣

北固山甘露寺之左舊爲多景樓俯挹全江最稱

雄勝樓址久荒李蘭卿觀察會捐貨重建工甫

竣旋圮觀察撰聯云

天與雄區欲游目騁懷一層更上 地因

多景喜山光水色四望皆通

後曾文波邑侯承顯就北固山之後麓建江東勝

概樓重書觀察聯語懸諸前楹而於後楹自撰

一聯云

形勢拓南徐對秣陵樹色瓜步江光何處

平分吳楚 畫圖開北固有米老庵存衛

公塔在依然映帶金焦

樓之右有小樓正對金山南昌彭文勤公聯云

兩點金焦到山者不如望 一庵海嶽懷

古者見其人

蓋寶晉書院正當其前也

多景樓聯

登樓便欲凌雲去 臨水應知得月先

又王之春聯

未忘陳跡在京江浮湘漢而來到此登樓

豈但胸中吞雲夢 却喜善緣結甘露嘆

孫權已往自我鑑古何曾眼底有金焦

又張紹華聯

杯酒弔南朝空餘半壁殘山長向江流堵

砥柱 梯雲登北固願借一盃甘露化爲
霖雨灑蒼生

多景樓下有亭亭柱有聯云

此身不覺出飛鳥 垂手還堪釣巨鰲

又聯

江海擁三山覽全吳勝 乾坤擎一柱障

百川東

浦口鎮城樓聯

地軸轉洪濤月湧星垂三楚江聲分溆浦

天關開重鎮星霏霧斂六朝山色擁台

隍

清江浦勝蹟以河帥署中爲最有方池甚寬上爲

荷芳書屋擅水木之勝時張介航河帥得董思

古今聯語彙選二集 名勝一

白大字挂屏十二幅錢梅溪爲集屏中字作一

聯云

大隱寄淮壖十畝芳塘涵德水 高懷擬

綠野滿園花木繡春風

相傳楚中名士有張次山者一日與某中翰遊金

焦時中翰適解官請張撰聯張遂集成句爲聯

云

冠蓋滿京華斯人獨顛頓 江山留勝蹟

我輩復登臨

明楊忠愍公嘗游焦山戲作一聯聞今焦山忠愍

祠卽懸此聯云

揚子江頭渡揚子 焦山洞裏住椒山

焦山寺門外有大隸字聯云

九

長江此天塹 中國有聖人

漱石山房爲焦山勝境之一畫其昌有聯云

畫簾高捲迎新月 湘帙閒翻對古人

又王文治聯

勝地千秋崇大隱 名山萬古仰高賢

山房在漢三詔焦隱士祠旁故云

又陳任暘聯

伊誰鼓棹來游雲移帆影 試起開窗憑

眺月臥浮圖

人勝坊有二聯其一云

活水有源頭萬頃雨盈暘不涸 崇岡多

好處片雲朝去暮還來

其二云

流與峙并佳三山獨聚 地因人爭勝千

古流芳

中冷泉右有鑑亭丹徒令王芝蘭有聯云

水木湛清華金焦而外又益名區卻憶曩

歲經營江左風流賢太守 春秋多佳日

簿書餘閒偶來幽眺猶憶故鄉髣髴濟南

瀟灑大明湖

又吾友李榕聯云

肯把鬚眉傲霜雪 可知寰宇待澄清

彭來開因彭剛直來此故名有聯云

彭郎之來自澎湃 焦光而後有椒山

又聯

不要錢不要命經濟皆從學問中出 能

殺人能用人彰瘴悉符好惡之仁

又剛直題聯

商舶夜飛江月白 天門日射海潮紅

聽濤書屋有聯云

潮平兩岸闊 江上數峯青

徐州燕子樓有太守胡佐卿題聯云

畫棟久消沈問何時燕子歸來只空嗟名
士青衫美人黃土 瓊樓新結構爲絕代
蛾眉生色又重睹香山月旦坡老風流

又程與九聯

歌韻擅風流縱僕射多情難得青樓拚一
死 芳心嗟寂寞賴香山絕唱頓教紅粉
豔千秋

又司鋒高君聯

血淚灑鸞箋七字清吟酬白傅 香魂依
燕幕千秋遺迹并黃樓

陳曼生鴻壽題揚州康山聯云

春水綠波揚子渡 梅花明月狀元山

洪桐生題揚州東門城樓聯云

風月天高樓臺地迥 雲霞海曙梅柳江
春

又題南門城樓聯

東閣聯吟有客憶千秋詞賦 南樓縱目
此間對六代江山

廣陵小金山月觀軒聯

一水迴環楊柳岸 畫船來去藕花天

定遠方夢園方伯題揚州第五泉聯云

兩井並稱攷古當憑墨莊錄 五泉新得

卽今可寶殿司磚

第五泉起於唐劉伯芻論次茶水揚州大明寺井

居第五墨莊漫錄載東坡嘗故塘院西廊井與下

院蜀井二水相較以塔院爲勝以塔院卽第五泉

後二井亦溼明釋滄溼掘地得泉并大明寺碑疑

卽塔院故址徐九皋書第五泉勒石井旁迨康熙

間汪應庚建西園鑿地得古井有唐景福錢數十

古磚上刻殿司二字乃知塔院眞蹟實在於是滄

溼所得者蓋下院蜀井也

平山堂清聖祖賜聯

詩意豈因今古異 山光長在有無中

又某君聯

登堂如見其人我曾經泰岱黃河舉酒遙
生千古感 飲水當同此味且莫道峨眉
太白隔江喜看六朝山

又聯

大江南北亦有湖山來自衡嶽洞庭休道
故鄉無此好 近水樓臺盡收烟雨論到
梅花明月須知東閣占春多

又聯

曉起憑欄六代青山都到眼 晚來對酒
二分明月正當頭

又聯

偶然杯酒成千古 無數江山送六朝

又聯

山色湖光歸一覽 歐公坡老峙千秋

又聯

六一居士到今俎豆 三千世界如此江山

山

又聯

山與堂平千古高風傳太守 我生公後

二分明月夢揚州

又聯

遠吞山光平挹江瀨 下臨無地上出重

霄

邗上勝蹟初集已經哀錄茲復從畫舫錄採一

過不嫌辭費實一朝盛衰之掌故嗟乎棋局看

古今聯語彙選二集 名勝一

殘風流洶盡後之覽者倘一發同情之慨茲彙

錄如下邗上農桑杏花村舍二景在迎恩河西

仿聖祖耕織圖做法封隈爲岸建倉房儲餉橋

報豐祠前擊鼓吹幽臺左有塾房右有浴盥

房分箔房桑陰鬱鬱樹開建大起樓樓下長廊

至染色房練絲房房外爲練池池外有春及堂

堂右有嫫祖祠經絲房聽機樓樓後有東織房

紡絲房房外板橋二三折至西織房成衣房接

獻功樓倉房聯云

厥庾千箱在

詳存賦

芳華二月初

趙冬暉

報豐祠以祀先世之始耕者聯云

息饗報嘉瑞

顧廷年

膏澤多豐年

曹益

又塾房聯

巖端白雲宿

何遜

屋上春鳩鳴

王維

杏花村舍自浴蠶房始至此愈曲愈幽鷓鴣往來

清風泛于樽俎高柳映人家奇松襯樓閣由驛

房屋角至浴蠶房聯云

金屋瑤筐開寶勝

崔日用

小橋流水接平

沙

劉兼

又分箔房聯

樹影悠悠花悄悄

曹唐

羅衫曳曳繡重

重

王建

大起樓接分箔房尾竹木護村邱園自適聯云

碧樹紅花相掩映

慧覺寺仙

天香瑞彩合

網緼

溫庭筠

又染色房聯

染就江南春水色

白居易

結成羅帳連心

花

齊童

又練絲房聯

舊絲沈水如雲影

李賀

籠竹和烟滴露

梢

杜甫

春及堂四面種老杏數十株擁腫飛動聯云

夕陽楊柳岸

李又

微雨杏花村

李暉

又經絲房聯

軟穀疏羅共蕭屑

溫庭筠

霏紅沓翠晚氛

氤

孟浩然

又聽機樓聯

繡戶夜攢紅燭市

韋莊

縑絲聲隔竹籬

問
項斯

又東織房聯

露氣暗聯青桂色 李商隱

天孫爲織錦雲

裳 蘇軾

又西織房聯

花鬢柳眼如無賴 李商隱

蕊亂雲濃相間

深 溫庭筠

又成衣房十餘間紡磚刀尺聲聲相聞聯云

越羅蜀錦金粟尺 杜甫

寶殿香娥翡翠

裙 戎昱

又獻功樓聯

青筐葉蓋蠶應老 溫庭筠

剪綵花時燕始

飛 劉憲

刊上農桑之對岸爲平岡豔雪有清韻軒清韻軒

後有豔雪亭聯云

苔染渾成綺 皮日休 春生卽有花 馬戴

水心亭在豔雪亭之側聯云

楊柳風來潮未落 趙嘏 梧桐葉下雁初

飛 杜牧

桃花庵之飛霞樓在大殿後一層樓前老桂四株

繡球二株秋間多白海棠白鳳仙花聯云

四野綠雲籠稼穡 杜荀鶴 九秋風景足林

泉 薛稷

有見悟堂在飛霞之左聯云

花藥繞方丈 常建 清流湧坐隅 元結

桐軒在飛霞樓後地多梧桐聯云

涼意生竹樹 張翥 疏雨滴梧桐 孟浩然

揚州東園在重寧寺東清聖祖賜名熙春堂並

有聯云

春色芳菲入圖畫 化機活潑悟鳶魚

又園後廣廈五楹左有小室四圍鑿曲尺池

中置磁山別青碧黃綠四色中構圓室頂上

懸鏡四面窗戶洞開水天一色聖祖賜名俯

鑒室並有聯云

水木自清華方壺納景 烟雲共澄霽圓

鏡涵虛

慧因寺涵光亭面城抱寺水氣如雨人煙結雲

僅此一亭湖水之氣已足聯云

臨眺自茲始

高適

烟霞此地多

朱放

薛蘿水榭之後碧梧翠柳水木明瑟中構小廬

極幽邃窈窕之趣顏曰契秋閣聯云

渚花張素錦

杜甫

月桂朗冲襟

蘇實王

又有堂曰修竹叢桂之堂聯云

老幹已分蟾窟影

申時行

綵竿應致錦江

魚

林靈鳳

揚州城郭其形似鶴城西北隅雉堞突出者名

仙鶴騰鶴膝之對岸臨水築室三楹顏曰丁

谿蓋室前之水其源有二一自保障湖來一

自南湖來至此合爲一水而古市河水經鶴

膝北岸來會形如丁字故名聯云

人烟隔水見

皇甫冉

香徑小船通

許渾

西園茶肆歸汪氏後有觴詠樓聯云

香溢金杯環滿座

徐秀伯

詩成珠玉在揮

毫杜甫

鶻詠樓西南多柳構廊穿樹長條短線垂檐覆

春春燕秋鴻夕陽疏雨無所不宜中有拂柳

亭聯云

曲徑通幽處

高適

垂楊拂細波

溫庭筠

九峯園內深柳讀書堂聯云

會須上番看成竹

杜甫

漸擬清陰到畫

堂薛暹

又園內穀雨軒種牡丹數千本花時綺牖洞開

聯云

曉豔遠分金掌露

韓璘

夜風寒結玉壺

冰許渾

軒旁爲延月室聯云

古今聯語彙選二集 名勝一

開簾見新月

李端

倚樹聽流泉

李白

園東南構玉玲瓏館聯云

北樹遠峯閒卽望

薛能

南園春色正相

宜

張翥

園內雨花庵門前有石板橋其外湖堤上建方

亭額曰臨池聯云

古調詩吟山色裏

趙嘏

野聲飛入研池

中

杜甫

臨池亭旁由山徑入一石當路長二丈有奇廣

得其半巧怪巖巖藤蘿蔓衍烟霧雲濤吞吐

變化此石爲九峯之一旁構小廳額曰一片

南湖聯云

層軒皆畫水

杜甫

芳樹曲迎春

張九齡

一片南湖之旁小廊數椽額曰烟渚吟廊聯云

塔埤近洲渚

高適

亭院有烟霞

郭瓦

其東斜廊直入水閣三楹額曰風淪聯云

隔岸春雲邀翰墨

高適

遶城波色動樓

臺

溫庭筠

烟渚吟廊之後多落皮松剝皮檜取黃石疊成

翠屏中置兩捲簾安三尺方玻璃其中或綴

宜石或點太湖石太湖卽九峯中之二峯名

之曰玻璃廳上懸御扁澄空字三字有聯云

雨後蘭芽猶帶潤

風前梅朶始敷榮

又聯

縱目軒窗饒野趣

遺懷梅柳入詩情

又聯

名園依綠水 野竹上青霄

又園內海桐書屋聯

峭壁削成開畫障

吳融

垂楊深處有人

家

劉長卿

倚虹園妙遠堂之右築健春堂聯云

鶯啼燕語芳菲節

毛鷗

蜨影蜂聲爛熳

時

李維勳

網川園畫閣在楊柳間樹光蒙密日色玲瓏禽鳥

上下水紋清妍聯云

此地惟堪圖畫障

白居易

不妨遊更著南

華

皮日休

閣後流波華館後牆在湖潯前榮在湖中地上

皮板上以文磚亞次步之一片清空聯云

澗道餘寒歷冰雪杜甫 浪花無際似瀟

湘馮應瑞

館右復作板廊數折入湖心亭左作宛轉橋曲

折上小江潭聯云

竹室生虛白陳子昂 波瀾動遠空王維

冶春詩社秋思山房在水樹間聯云

天氣涵竹氣張說 山光滿湖光馮翊

又園內冶春樓聯

風月萬家河兩岸白居易 菖蒲翻葉柳交

枝盧綸

又園內香影樓聯

隄月橋邊好時景鄭谷 銀鞍繡轂盛繁

華王勃

又樓下廳額曰橋西草堂聯云

綠竹漫侵行徑裏劉長卿 飛花故落舞筵

前蘇軾

淨香園清華堂臨水荇藻生足下聯云

芰荷疊映蔚謝靈運 水木湛清華謝朓

清華堂後簷簷數萬左望一片修廊天低樹微

樓閣掩藹堂後長廊逶迤修竹映帶由廊下

門入竹徑中藏矮屋曰青琅玕館聯云

遙岑出寸碧韓愈 野竹上青霄杜甫

園有堂曰杏花春雨之堂聯云

明月夜舟漁父唱孟賈子 隔簾微雨杏花

香韓偓

又御賜聯

雨過淨倚竹 夏前香想蓮

園廊開門爲水馬頭額曰綠楊灣聯云

金塘柳色前溪曲 玉洞桃花萬樹

溫庭筠

春

許渾

又園門外有春禊亭在水中有小橋與浮梅嶼

通聯云

柳占三春色 荷香四座風

溫庭筠

劉威

園有假山構室於上額曰水佩風裳聯云

美花多映竹 無處不生蓮

杜甫

杜荀鶴

又園內江山四望樓聯

山紅澗碧紛爛熳 竹軒蘭砌共清

韓愈

虛

李成用

又園內涵虛閣聯

圓潭寫溪月 華岸上春潮

孫道

清江

天光雲影樓在江山四望樓之尾曲尺相接樓

下不相通而樓上相通聯云

櫓橫翠嶂秋光近 波上長虹晚景

吳融

搖

羅鄆

又園內秋暉書屋聯

詩書敦夙好 山水有清音

陶潛

左思

又園內浣香樓聯

烟開翠扇清風曉 日暖金階畫刻

許渾

移

羊士謩

又聯

谷靜秋泉響 樓深複道通

孟浩然

樂府

又園內來薰堂屋上有重屋窗櫺上嵌合海雲

龜三字屋中供觀音像坐茵莖有機杼轉輪
藏朱輪如潛運圓轉如飛聯云

高座登蓮葉

慧淨

晨齋就水聲

法照

又龕上供千手眼大士像二臂合掌餘擊蓮花

火輪劍杵簡槩並日月輪火之屬身著袈裟

金碧錯雜光彩陸離聯云

紫雲盛寶界

鄭情

綵舫入花津

補德興

昔金棕亭詩云慈雲一片海香中謂此

又園內艤舟亭聯

階墀近洲渚

高遠

來往在烟霞

方千

又園內涵虛閣之北樹木幽邃異豔奇采不可

殫記顏其室曰珊瑚林聯云

豔采芬姿相點綴

補德興

珊瑚玉樹交枝

柯韓愈

由珊瑚林之末疏桐高柳間得曲尺房櫺名曰

桃花池館聯云

千樹桃花萬年藥

元稹

半潭秋水一房

山李洞

又園內迎翠樓聯

金澗流春水

王昌齡

虹橋轉翠屏

宋之問

黃園清高宗賜名趣園園內錦鏡閣三間跨園中

夾河三間之中一間置牀四其左一間置牀三

又以左一間之下間置牀三樓梯即在左下一

間下邊牀側由牀入梯上閣右亦如之惟中一

間通水其制仿工程則例暖閣做法其妙在中

一間通水也集韓聯云

可居兼可過 非鑄復非鎔

又閣之西一間開靠山門聯云

扁舟蕩雲錦 流水入樓臺

又御賜聯

何曾日涉原成趣 恰直雲開亦覺欣

園有小屋三椽額曰竹間水際聯云

樹影悠悠花悄悄 曹唐 晴雲漠漠柳毵

毵 韋莊

又閣之東一間開靠山門與西一間相對門內

種桂樹構工字廳名四照軒聯云

九霄香透金莖露 于武林 八月涼生玉宇

秋 曹唐

又園內漣漪閣聯

紫閣丹樓紛照耀 王勃 修篁灌木勢交

加 方干

又園內面水層軒聯

春烟生古石 張說 疏柳映新塘 韓光祿

又園內漣漪閣之北廳事二一曰澄碧一曰光

霧澄碧堂聯云

湖光似鏡雲霞熱 黃滔 松氣如秋枕簟

涼 何上元

又光霽堂聯云

千重碧樹鎖青苑 韋莊 四面朱樓卷畫

簾 杜杜

又光霽堂後曲折逶迤方池數丈樹石皆數百

年物池中苔衣厚至二三尺牡丹本大如桐

額曰雲錦滄聯云

雲氣生虛壁

杜甫

荷香入水亭

周厲

又園內吹香草堂聯

層軒靜華月

謝光祿

修竹引薰風

章安石

又園內勝概樓在蓮花橋西偏聯云

怪石盡含千古秀

羅鄴

春光欲上萬年

枝起

蓮花橋北岸林亭極幽比之淨慈寺山路稱爲

小南屏後闕於園中構方亭有聯云

林外鐘來知寺遠

李中

柳邊人歇待船

歸溫庭筠

又園內靈山韶護之臺聯云

佳氣浮丹谷

李山甫

安歌送好音

羊士醇

古今聯語彙選二集 名勝一

吳氏別墅有濃陰軒堂過曲廊三四折盡處有小

屋如丁字謂之丁頭屋額曰浮春檻聯云

綠竹夾清水

江淹

游魚動圓波

潘安仁

又園內曉烟亭聯云

佳氣溢方甸

趙孟頫

宿雲澹野川

元好問

又園內曙光樓聯

問津窺彼岸

蘇頌

把釣待秋風

杜甫

韓園內小山亭聯

茂竹臨幽淑

李益

晴雲出翠微

權德輿

桃花塢與韓園比隣有澄鮮閣聯云

隔沼連香芰

杜甫

中流泛羽觴

陳蕃烈

疏峯館之西山勢蜿蜒列峯如雲山半桃花春時

紅白相間映于水面花中構蒸霞堂聯云

桃花飛綠水

李白

野竹上青霄

杜甫

又半山携紅閣十餘楹一面向北一面向西上

携八角層屋類曰縱目亭聯云

地勝林亭好

孫欽

月圓松竹深

無可

至此則長春嶺蓮性寺紅亭白塔皆在目前

又中川亭聯

小松含瑞露

鄭谷

好鳥鳴高枝

曹植

長春嶺有嶺上草堂堂在嶺東負山面西全湖在

望聯云

碧落青山飄古韻

杜牧

綠波春浪滿前

陂

韋莊

長春嶺西一亭依籠額曰釣渚聯云

浩歌向蘭渚

徐夔伯

把釣待秋風

杜甫

東園菱花亭聯

苔色侵衣桁

李商隱

河香入水亭

周瑒

菱花亭北爲夕陽雙寺樓高與蓮花橋齊俯視

畫舫在竹杪樹巔聯云

玉沙瑤草連溪碧

曹唐

石路流泉兩寺

分

白居易

又園內倚雲閣聯

水曲山如畫

羅鄴

溪虛雲傍花

杜甫

又聯

裁雲作幕 連山爲屏

又張神山題園內偶寄山房聯

紅樹借鄰影 北窗聞水聲

又江恂題春雨廊聯

近水樓臺開梵宇 平山欄檻倚晴空

又張小柏題園內山亭聯

欲因蓮舫尋詩社 可借荷錢質酒爐

又僧牧山題園內醉烟亭聯

邊檻溪光供澗澗 隔江山色露嵯峨

又董文驥書李雲書句聯

半在山隈半水澗 亦如石屋亦濠梁

又鄭靈題園內春雨堂聯

烟雲送客歸瑤水 山木分香繞閩風

又俞橫江聯

疏鐘聲遠流何處 明月多情在此間

又張得天聯

萬樹琪花千圃藥 一莊修竹半床書

古今聯語彙選二集 名勝一

又吳村聯

冠飛堞半畝亭臺就金井玉池坐見鶯花

作雨 抗平山四時風月遮香車畫舫同

流游覽長春

又王澍題園內雲山閣聯

三山近將引 紫極遙可攀

又聯

數片石從青嶂得 一條泉自白雲來

又程軼青聯

風情合作湖山主 歌吹寧虛花月辰

又聯

晴空頓覺紛華隔 山色常疑烟雨多

又聯

二十五

檻前春色長隄柳 閣外秋聲蜀嶺松

又褚峻題園內踏葉廊聯

幾處好山供客座 一川寒月淨塵襟

又王協聯

青徐平野闊 幽薊五雲飛

又某君聯

三山入望松筠在 雙樹無言水月新

又劉荷澤題園內獨鶴樓聯

一邱藏曲折 縱步有躋攀

又潘松谷聯

樓臺突兀排青嶂 鐘磬虛餘下白雲

又王護澤聯

灣過茱萸松竹三霄水碧 階翻紅葉亭

臺四序天香

又王揆聯

草衣木食留仙咏 碧落蒼梧識道心

又董彤庵聯

竹裏登樓風引三山不去 花間看月溪

流四序如春

又魏嘉瑛聯

真道每吟秋月淡 至言長咏碧波寒

又王覺斯題園內芙蓉泮聯

花間漁艇近 水外寺鐘微

又嵇拙修聯

一片芙蓉新出水 千層芳草遠浮山

又王定楡題園內對薇亭聯

風景滿清聽 羣山靄遐矚

又汪謙堂聯

當堦瑞色新紅藥 臨水文光淨綠天

又田謙澤題園內凝翠軒聯

醉倚晴雲留作賦 閒邀明月夜調絃

又梁文山書康節句于凝翠軒云

雨後靜觀山意思 風前閑看月精神

又李鯉聯

出郭此間堪歇脚 登樓一望已開懷

又某君聯

終古招魂秋色遠 幾人愛惜月明多

又古蹟樓題園內目聯堂聯

竹影參差鳥聲上下

古今聯語彙選二集 名勝一

又園內杏軒聯

渡江折蘆葦 蘸雪喫冬瓜

又金農題園內品外泉聯

寒玉作響 飛泉仰流

岡東橋南小嶼種桂數百構屋三楹去水尺許後

構廳事類曰花南水北之堂聯云

別業臨青甸 李 蟠 前軒枕大河 許 藻

又積翠軒在嶼北樹間聯云

疊石通溪水 許 藻 當軒暗綠筠 劉 憲

又嶼西半青閣聯

纔見早春鶯出谷 章 莊 更逢晴日柳含

烟 蘇 頌

又嶼有芍藥廳後于石隙中種蘭早春始花至

古今聯語彙選二集 名勝一

二十八

於初夏秋時花盛一幹數朶謂之蘭渚渚上

蟹螯額曰一渠春水聯云

築室三間聯云

名園依綠水

杜甫

仙塔儷雲莊

馬國東

過蘭渚竹勢始大築小室在竹中額曰蒼筤館

北樹遠峯閒卽望

薛能

月華星采望來

收

杜甫

又園池前高屋五楹露臺一方臺外卽新河灣

處大石側立飛樓傑閣崛起雲霄之間朱金

聯云

竹高鳴翡翠

杜甫

溪暖戲鷓鴣

劉長卿

又園內林香草堂聯

萬井樓台疑繡畫

張九齡

千家山郭靜朝

歌繞夜梁珠宛轉

羅隱

山連河水碧氤

暉

杜甫

氤

陳上美

又園內歸雲別館聯

又屋後小捲對望春樓聯云

飛閣凌芳樹

張九齡

雙橋落彩虹

李白

小院迴廊春寂寂

杜甫

碧桃紅杏水潺

潺

許渾

又園內望春樓前有圓池左右設二石橋曲如

天上碧桃和露種

高蟾

門前荷葉與橋

齊

張萬頃

又園內如意門中牡丹極高花時可過牆而出

中築清妍室聯云

露氣暗連青桂苑

李商隱

春風新長紫蘭

芽

白居易

又園內圓風堂聯

紅桃綠柳垂簷向

王維

碧石青苔滿樹

陰

李淵

又園內碧雲樓聯

烟開翠幌清風曉

許渾

花壓闌干春晝

長

溫庭筠

張氏別墅綠竹軒居蜀岡之麓竹窗竹檻竹床竹

灶竹門竹聯聯云

竹動疏簾影

盧綸

花明綺陌春

王維

古今聯語彙選二集 名勝一

菴竹軒外一亭翼然額曰香雪聯云

香中別有韻

崔道融

天意不教遲

熊嘏

園有藤花樹長里許中構小屋額曰藤花書屋

聯云

雲遮日影藤蘿合

韓翃

風帶潮聲枕簟

涼

許渾

清遠堂在藤花書屋之北以爲是園宴賓客之

地聯云

窗含遠色通書幌

李賀

雲帶東風洗畫

屏

許渾

錦雲軒在東岸最高處多牡丹園中謂之牡丹

應聯云

平分造化雙苞出

徐仲雅

獨占人間第一

香 皮日休

又園內微波館聯云

川源通霽色

皇甫冉

楊柳散和風

韋應物

閩西汪園含珠堂聯云

野香襲荷菱

皎然

池色似瀟湘

許渾

又園中池長十餘丈名環翠聯云

冉冉修篁依戶牖

包何

瞳瞳初日照樓

臺 薛逢

又是園池高於河多白蓮堤上築花籬爲疏檻

間之使內外水氣相通上置方屋額曰玲瓏

花界聯云

花柳含丹日

宋之間

樓台繞曲池

盧照鄰

熙春台在新河曲處與蓮花橋相對白石爲砌

碧瓦朱甍照城郭

杜甫

淺黃輕綠映樓

台 劉禹錫

臺柱壁畫雲氣屏上畫牡丹萬朵上層齋額曰

小李將軍畫本王盧舟書聯云

百尺金梯倚銀漢

李頎

九天鈞樂奏雲

韶王 淮

聽簫園在廿四橋西岸編竹爲籬溪光從茅屋中

出山茶村釀當爐之婦膾炙一時金棕亭集聯

云

聖代卽今多雨露

酒爐終古擅風流

篠園有小亭澄潭修鱗可以垂釣蓮房夾實可以

樂飢仿宋業主簿祀渝南別墅之名名之曰小

渝南顧南原學博菴隸書聯云

夕陽雙寺外 春水五塘西

園有水亭曰小渝南聯云

東坡何所愛

白居易

仙老暫相將

杜荀鶴

園中三賢祠殿旁植牡丹百本排翠霞軒聯云

日映文章霞細麗

元稹

山張屏嶂綠參

差

白居易

園內瑞芍亭以盧公轉運揚州時三賢祠花開

三帶人以爲瑞以馬中丞祖常書瑞芍類於

亭聯云

繁華及春媚

鮑照

紅藥當階翻

謝朓

古今聯語彙選二集 名勝一

李氏別墅來春堂聯云

一片彩霞迎旭日

楊巨源

萬條金線帶春

烟

施肩吾

又園內樓下御賜聯云

山堂返棹留閒憩 畫閣開窗納景光

樓上聯云

佳句應無敵

崔櫓

蘇侯得數過

杜甫

園內高詠樓後築屋十餘楹如弓字一曰含青

室樓角小門通之聯云

日交當戶樹

蘇頌

花繞傍池山

祖詠

室旁小屋十數間曰眺聽烟霞軒聯云

松排山面千重翠

白居易

日較人間一倍

長

陸龜蒙

又有軒曰初日軒本名承露軒後仍用其舊聯

云

池塘月撼芙蓉浪 方干 羅綺晴嬌綠水

洲 孟浩然

軒後度板橋入規門有十字廳額曰青桂山房

聯云

從此不知蘭麝貴 裴思謙 相期共鬪管絃

來 孟浩然

吳園桂露山房聯云

迴風入座飄歌扇 李益 冷露無聲濕桂

花

山房前有小屋三四間半合樹際半出溪澗開

靠山門仿舫屋式不事雕飾如寒塘廢宅橫

出山水中額曰春流畫舫聯云

仙扉傍巖岬 皮日休 小檻俯澄鮮 張祐

是園過蕭家橋入樹石中得屋四五楹冉冉而

轉入廳事三楹與水更近額曰清陰堂聯云

風生北渚烟波闊 權德輿 雨歇南樓積翠

來 李愷

又園內曠觀樓十二間如弓字每間皆北向蓋

至此三山漸出矣聯云

烟草青無際 周伯奇 溪山畫不如 杜牧

樓後老梅三四株其中一水通潮可以單櫂而

入水上構兩間小屋題曰嫩寒春曉聯云

鶴羣常繞三株樹 司空圖 花氣渾如百和

香 杜甫

又園內涵清閣聯

雲林頗重疊

賈島

池館亦清閒

白居易

旁增水廳五楹水大時石礎松樞間在水中紫

蒼白蘋時來屋裏題曰風月清華聯云

舟將水動千尋日

張說

樹出湖東幾點

烟曹鄴

又園內綠雲亭聯

山深松翠冷

朱慶餘

樹密鳥聲幽

趙嘏

蜀岡功德山下陂池即得勝湖程氏種荷築水樓

三楹板廊四五折額曰菱荷深處聯云

山翠萬重當檻出

許渾

白蓮千朵照廊

明薛逢

蜀岡觀音山水馬頭有遠帆亭聯云

古今聯語彙選初集 名勝一

稼收平野闊

杜甫

風正一帆懸

王維

遠帆亭旁築臺三四楹榭五六楹廊腰縷迴閣

道凌空集許渾聯云

朱閣簾涼疏雨過

遠山雲晚翠光來

蜀岡中東兩峯之間猿扳蛇折百陟百降如龍游

千里雙角昂霄中有瀑布三級飛瓊澌雪洶湧

澎湃下臨石壁屹立千尺築聽泉樓樓下聯云

瀑布松杉常帶雨

王維

橘州風浪半浮

花陸龜蒙

又樓上聯云

風生碧澗魚龍躍

曹松

月照青山松柏

香盧綸

環綠閣在功德山石隙中聯云

碧樹鎖金谷

柳宗元

遙天倚翠岑

章莊

環綠閣下有瀑布瀉入池中旁有露香亭聯云

澤蘭浸小徑

王勃

流水響空山

法振

定遠方夢園方伯滄頤題蜀岡洛春堂聯云

品題金帶銀盤畢竟楊花難比洛

消受

淡雲微雨果然秋禊不如春

名勝二

望江徐旭題安徽大觀亭望華樓聯

兩皖生才臺閣猶含雄傑氣 四郊多壘

江山莫作等閒看

原跋甲寅九月承舊大觀亭工竣因撰數語補楹

應雪禪之請也

壬子秋婺源江峯青又題聯云

金湯依舊扼荆揚風起雲飛不盡悲歌懷
猛士 銀漢何時洗兵甲內憂外患似留
艱鉅待英才

又皖江吏隱丹徒李丙榮聯

傑構四牕開地阨中原控吳楚 忠魂一
坏在天留正氣壯山河

原跋宣統辛亥三月予編大觀亭志甫成適甯州

中丞飭修此亭因撰聯以誌盛

采石太白樓中有齊梅麓集句一聯云

紫微九重碧山萬里 流水今日明月前

身

出語卽太白集中句

潯陽甘棠湖烟水亭有新安黃少白瑞蓮聯云

那堪吟白傅詩琵琶人老楓荻秋深歎幾
個遷謫飄流相逢處且休說故里繁華他
鄉淪落 此便是邯鄲道午夢初醒黃梁
久熟覺畢生功名富貴霎時間都付與微
茫烟水縹渺江波

吳鎮望湖亭聯

能容湖水心胸闊 得見廬山面目真

滕王閣聯

地何殊魯殿梁園千餘年畫棟猶新斯閣
也獨有天幸 人不過徐賤庾筆八百里
風帆遇順好事者侈爲神工

又會稽周响芝先生聯

滕王何在剩高閣千秋劇憐畫棟珠簾都
化作空潭雲影 閻公能傳仗書生一序
寄語東南賓主莫輕看過路才人

又江湘嵐先生聯

有才人一序在上頭恨不將鸚鵡洲踢翻
黃鶴樓搥碎 歎滄海橫流無底止慨然
思班定遠投筆終子雲請纓

洪北江云昨歲遊廬山憩於同年九江太守方君

體官廨數日廨後卽庾公樓太守以柱榜見屬

余爲篆一聯云

半壁江山真劇郡 一樓風月幾傳人

太守首肯然頗嫌劇郡二字非古北江舉三國志

王觀傳示之明帝卽位詔令郡縣條爲劇中平時

觀爲涿郡守遂上言以涿郡爲外劇始折服唐楊

源荀子注云劇驚煩也是魏時之劇中平卽今之

衝煩疲難所本按初集所登與此微異或於劇郡

二字尙有不嫌故改去衍成八言歟姑兩存之

九江府之南卽廬山其城南正對廬山之雙劍峯

歷朝皆於府治前建三層高樓以鎮之名爲匣

劍樓樓前開二池直丈餘橫數尺名爲匣劍池

鄭仁圃太守初蒞任修濬一新自製樓聯云

排闥兩峯青欣輪奐齊雲環雉堞更上一
層盡見匡廬真面目 千霄千丈紫恐鋒
芒過露斂龍光深藏什襲如羅星宿壯心
胸

江湘嵐先生題江西百花洲聯

誰家翠袖歌南曲以來斯戲水采蓮舟入
望疑仙雙槳月 有客青衫自西湖而戻
止題詩掃苔石舊游如夢六橋烟

又某君聯

地闢百弓喜樓臺近水竭來載酒尋花秋
月何如春月 險開一鏡樂魚鳥親人是
處淡粧濃抹東湖不讓西湖

江湘嵐先生題嘯月臺聯

萬里清輝初出海 一聲長嘯獨登臺

又聯

海宇澄清聊拭目 雷霆霹靂不驚心

又聯

月光留客橫攔路 花影瞞人斜過牆

江湘嵐先生題蘇公圃聯

前不見古人南浦春波空作賦 吾弗如
老圃北山雲壑漫移文

福州小西湖上有苑在堂比杭之湖心亭林文忠

公集洛陽橋碑字爲聯云

長空有月明兩岸 秋水不波行一舟

福州鼓山麓東郭二十里絕頂可覽閩海爲閩中

名勝林香海聯云

眼中滄海小 衣上白雲多

陳少巖明府題福州鼓山喝水巖聯

一水定中孤佛瘦 萬松深處老龍吟

朱幼芝司馬題邵武詩話樓聯

千秋大雅扶輪手 一片寒泉薦菊心

又馬肖庵大令聯

熙皞遺風留郡邑 春秋佳日好登臨

又朱笥河學使聯

隱釣風分七里瀨 品詩意到六朝人

又某君聯

江水長流想見高風終古在 雲山如畫

依然詩思逼人來

又聯

四顧山光江上峯 青人宛在 三更詩話

佛前燈火夙因緣

邵武熙春山有洪麟綬聯云

放開眼孔看曉日 纔上夜月正圓山 雨欲

來溪雲初起 洗淨耳根聽林鳥 爭啼寺

鐘 答響漁歌唱晚牧笛催歸

又徐兆豐太史知邵武府時題聯云

自樵嵐一脈而來地勢嵯峨 看好水好山

四面風光都入畫 溯趙宋千年以降人

才衰歇問名儒名相幾時川嶽再鍾靈

又林揚光聯

烟火三萬家 憂樂同民憑赤手 來扶夏甸

臺
溪山幾百里熙攘滿目與蒼生齊上春

又吳連陞聯

一水抱城西雲樹蒼茫扶杖僧歸烟靄外
羣峯朝閣下雨晴濃淡倚樓人在畫圖

中

又李髯聯

此爲邦人歲時遊觀之所 儻有皇古熙
皞敦龐之風

又詩龜聯

老鶴唳空發清吹 蒼虬列隊禮羣仙

漳浦閃圍在於陵別墅東清初張山人士楷讀書

於此因崖架屋石壁上猶存聯云

古今聯語彙選二集 名勝二

盤迴丹嶺頑仙洞 峭立青天大隱屏

武夷山天游峯前之一覽臺有聯云

遺世獨立 與天爲徒

西湖十景南屏有其二一曰南屏晚鐘一曰雷峯

夕照鄭郡丞燁讀書蓮花洞下自號蓮石散人

書一聯於殿柱云

松韻鼓笙簧和南屏之晚鐘清如雅奏
禪心開定慧對雷峯之夕照湛若明生

西湖湖心亭有胡思義聯云

一碧浸孤亭看參差烟柳樓臺繞岸幾人
沽酒去 明漪比西子有多少青紅兒女
停橈都學捧心來

又聯

五

九面烟鬟楊柳外 四圍山色雨晴中

又蔣鄉泉中丞益澄聯

中央宛在一半句留

又俞曲園先生聯

四面軒窗宜小坐 一湖風月此平分

錢塘汪夔石室聯

石詭松奇自是有仙骨 僧閒雲嬾到來
生隱心

侯官林鶴年題林處士墓居閣聯

公去幾何年留存半角閒亭權與寒梅成
眷屬 我來數千里憑弔孤山坏土好從
明月認前身

又林文忠聯

我已家風負梅鶴 天教處士領湖山

又錢塘王家治聯

第三橋是蘇學士堤問夾岸垂楊可似老
梅冷淡 不數武有岳鄂王廟慨中原戰
馬何如野鶴逍遙

張蝶庵岱呼猿洞聯

洞裏白猿呼不出 崖前殘石悔飛來

西湖葛蔭山莊有山陰湯塾仙聯云

隔岸暗香多爲愛老梅瀕水住 前山丹
井在新成大藥望仙來

三潭映月附近有卍字亭石祖芬集句聯云

荷風送香氣 潭影空人心

飛來峯有楊叔樸聯云

南高峯北高峯世事盡儻來莫問峯來何處
在山泉出山泉人心先耐冷纔知泉冷幾時

程雲倣題彭剛直退省庵聯

南嶽雲興出爲霖雨 大江波靜退領湖山

又彭剛直聯

水得閒情山多畫意 門無俗客樓有賜書

陳瑤題西湖竹素園觀瀑亭聯

源頭清接金沙澗 波面平分玉帶橋

又題竹素園流觴亭聯

勝跡流連鄰麴院 羣賢觴詠繼蘭亭

古今聯語彙選二集 名勝二

沈園醒題三潭印月聯

記故鄉亦有仙潭看一樣湖光添得石橋長九曲 至此地宜邀明月問誰家秋思吹殘玉笛到三更

錢塘維築題三潭印月開網亭聯

一簷虛待山光補 片席平分潭影清

韜光誦芬閣舊有呂祖殿德馨題聯云

到此已超諸色界 來時權作小遊仙

又徐花農聯

一卷誦清芬溯從蠟屐遊時臺閣山林重入畫 兩家懷祖德行到綠筠深處甘棠喬木竟同春

明邵守田汝成題南高峯聯

七

憑欄霄月近 倚杖海雲迴

玉泉魚躍聯

此卽濠間非我非魚皆樂境 恰來海上

在山在水有遺音

金安清題冷泉亭聯

泉水澹無心冷暖惟主人翁自覺 峯巒

青未了去來非佛弟子能言

藏雲室在花塢在澗庵內彭剛直聯云

嵐翠現清淨身岡重嶺複 溪流播廣長

舌水潔沙明

西爽亭爲宋西太乙宮故址徐花農聯云

小築一樓存西爽遺跡 相離數武卽東

坡古庵

數峯開供有明鄉先達神位吳梅村題聯云

赤虹劍血埋燕市 白馬銀河走越州

葛嶺山門有錢塘王家治聯云

點綴名山有勾漏丹砂着色 登臨絕頂

看扶桑旭日來朝

葛嶺覽燦亭有朱裕倬聯云

孤影對邀林處士 半間坐論宋平章

又聯

明月倒懸魚港棹 曉霜背聽鳳林鐘

又聯

臺上露擎仙掌白 塔西雨過佛頭青

又柯陶菴聯

江痕斜界東西浙 山色都收裏外湖

閑放臺在三潭印月大興謝光綺方山聯云

舸艦重來問月三潭懷退叟 驪駒旋唱
看雲五嶺笑勞人

煙霞洞吸江亭有戴啓文聯云

四大空中獨留雲住 一峯缺處遠看潮
來

清高宗題南巡行宮聯

雲嵐靜對自高秀 城郭遠映餘青蒼

西湖蘇小小墓去岳墳不遠朱約齋題聯云

小字偶相同考古休憑吳地記 香魂真
有託結鄰長傍鄂王墳

吳地記謂蘇小小墓在嘉興縣側而吳地志云是晉

伎與南齊之蘇小爲兩人

古今聯語彙選二集 名勝二

又平湖王成瑞聯

燈火珠簾儘有佳人居北里 笙歌畫舫
獨教芳塚占西冷

平望鴛鴦湖中有平波臺相傳唐張志和成仙處

有左仁聯云

湖水波平一片空明鴛鴦碧 釣徒仙去
千秋風致鱖魚肥

嘉興南湖(又名鴛鴦湖)烟雨樓聯

濯足臨流烟雨忽收滄海淨 舉頭見月
湖山長待翠華來

又聯

故鄉信有湖山數秋月春花一樣登臨成
往事 此地偏宜烟雨聽樵歌漁唱半年

九

管領亦前緣

又許瑤光聯

居然海上神仙蓬萊方丈 若問壺中日

月鴛鴦萬年

又聯

補種蓮花疑太液 更栽楊柳賽南湖

又聯

潤色湖山吾輩事 栽培花柳大家看

予用餅水齋句寄題一聯云

夢騎雙蛺蝶 歌起萬鴛鴦

山陰石屋在香爐峯之半山有楹聯署曰錢唐子

謙題聯云

花雨欲隨巖翠落 松風遙傍洞雲寒

禹陵聯

江淮河漢思明德 精一危微見道心

蘭亭聯

俯仰之間已成陳迹 少長咸集暢敘幽

情

吳仰貞落帆亭聯云

倚檻遙看去棹不如歸棹逸 題橋偶駐

卸帆仍是挂帆時

陶澐宣題東湖聯

匡壁千尋此是大斧劈畫法 漁舫一葉

如入小桃源圖中

又聯

倒下蒼藤成篆籀 劈開翠峽走雲雷

滁州醉翁亭聯

人生百年把幾多風月琴尊等閒拋却
是翁千古問爾許英雄豪傑那個醒來

薛慰農觀察題滁州影香亭聯云

踞石而飲扣槃而歌最難得梅邊清福
環山不孤釀泉不冷何須戀湖上風光

任天寶題武昌黃鶴樓聯云

騎鶴翔空一瞬元黃新甲子 神龍混跡
旁求忠孝作神仙

又段祺瑞聯

古今稱形勝歷漢迄今幾千年王業潛消
治亂興亡都付與大江東去 雄秀出重
霄高瞻遠矚八萬里山靈蔚毓英雄豪傑

當有與斯樓齊名

太白亭有余敦本聯云

此地饒千秋風月 偶來作半日神仙

又朱詒齋士彥聯云

此間可談風月 斯世豈有神仙

又畢秋帆先生聯云

攬勝我長吟碧落此時吹玉笛 學仙人

漸老白頭何處覓金丹

漢陽伯牙琴臺聯云

先生真移我情挹湖上清風尙留絃外餘
音曲中天籟 此地適如人意訪漢南春
色恰有夾堤楊柳隔岸桃花

又聯

綠樹成陰芳草如積登臨貴在得趣時耳

衡州詞林堂聯

水仙一去樵子不來先生何以移我情

江聲回石鼓 日影上花甌

乎

汪美生司馬璵題九成臺聯

周郎火攻本在嘉魚黃州赤壁以坡公二賦傳朱

蘭坡題聯云

誰曾見北宋名流有隔岸千峯依然秋色
何處問南薰法曲只繞城一水不斷江

勝蹟別嘉魚何須訂異箴譌但借江山據

聲

感慨 豪情傳夢鶴偶爾吟風嘯月毋將

臺在城堞上俯臨瀧水下游臺上有北宋蔣之奇

賦詠概生平

石刻

長沙天心閣聯

小桃源徑口有門兩旁鐵一集句聯云

游不徧七十二峯衡嶽流不盡八百里洞庭

喜無樵子復看弈 怕有漁郎來問津

無限詩情如此江山容我醉 待誰反屈

四川成都府桂湖池荷桂爲會城勝景其地本楊

大夫離騷問誰虛買太傅前席□□□□

升菴先生故宅今附祀謝忠愍公子澄梁曦初

滿城風雨自西來

侍御有聯云

六月荷花八月桂 楊公故宅謝公祠

何子貞先生督學蜀中有題工部草堂聯云

錦水名山君占却 草堂人日我歸來

又草堂中詩史堂某君聯云

水石適幽居想溪外微吟翠竹白沙依草

閣 樓臺開暮景結花間小隊野梅官柳

接春城

又草亭集句聯

至今斑竹臨江活 無數春筍滿林生

又怡受航集句聯

孤城返照紅將斂 仙侶同舟晚更移

又陸放翁配享龍集句聯

錦里先生爲老伴 玉霄散吏是頭銜

古今聯語彙選二集 名勝二

廣州杜蘇樓有集句聯云

安得廣廈千萬間天下幾人學杜甫 日

啖荔支三百顆平生最愛說東坡

潮州十里外有棲鳳亭相傳昔時有鳳棲於此林

武陵守潮時題聯云

十里江亭昔日鱷魚今去盡 千重雲樹

當年鳳鳥復來儀

太原康基田題潮州北門外青天白日懸崖石刻

聯云

中流壁立撐天柱 百道泉飛絡地維

王延康題潮州西湖觀稼亭集句聯

亂山吞落日 平疇交遠風

又榕江鄭光治聯

青峯環郭繞 碧樹倚天扶

仁和徐花農琪陽山縣昌黎釣臺聯

三度入嶺南幼過始興晚出藍關此行當
中歲之交驅鱷文章猶在後 數峰對江
上訪賢令山登同冠峽我欲起功曹而問
又魚詩句殆其時

原注昌黎作令陽山有釣磯在江邊宋人題刻於

上按公作始興江上詩憶作兒童隨伯父則幼年

早已入粵至陽山乃二至驅鱷則三至矣又八月

十五夜有叉魚贈張功曹詩豈卽在此時耶

惠州合江樓東坡舊居也上供奎星劉樹君方伯

聯云

此是東坡舊居應有文光連北斗 恰與

西湖對峙長留詩境在南州

或傳梅關一聯云

不必定有梅花聊以志將軍姓氏 從此
可通粵海願無忘宰相風流

梁苞隣曰梅關卽梅嶺又名庾嶺史記索隱謂相
傳以梅將軍名而南康記又云前漢南越不賓遣
監軍庾姓者討之築城於此因之爲名則兩說皆
可通南康記又云庾嶺多梅亦曰梅嶺高一千三
百五十丈唐張九齡奉詔開鑿按張有開嶺路序
又有詩故梅嶺嶺有曲江祠此聯鑿括大意而面
俱到

張詩勅方伯任粵西時題獨秀峯五詠堂聯云

雄藩勝覽曾開囿 太守風流尙讀書

獨秀峯中磨厓詩字如林以唐人鄭叔齊石室

記及孟簡題名爲最古梁蔭隣因五詠堂之

北復添一廳事同人索書楹帖復撰一聯云

勝地如畫圖是賢守遺區雄藩舊館

前明入靖

江王

靈山託文字有叔齊作記孟簡題

名

徐宗培題桂林風洞山一卷亭聯

千古江流環檻繞 萬重山色上城來

又七十五叟謝光綺聯

四望山深藏古剎 一拳石老跨虛亭

又曹謹堂集白樂天句題聯云

煙波澹蕩搖空碧 樓閣參差倚夕陽

風洞山景風閣舊有一聯款署施學夔光緒戊子

古今聯語彙選二集 名勝二

謝方山駕部謀於秦文伯觀察鳩工新之歸安

沈景成補書聯云

鬱鬱佳氣 泱泱大風

又邑人劉嘉樹聯

蓋相名王傳靜土 雲華黛影絢精藍

又鎮南倪懋禮聯

烟火萬家有古堞雲封長江天塹 樓臺

三面看雨中春樹山外斜陽

景風閣之右門外有聯云

誰作畫圖傳韻事 我來清賞溯名流

范石湖書繪粵山異形圖出句本此

蔣綺齡題桂林北門外南薰亭聯

山從衡岳分來數雲外芙蓉畫本都收眼

十五

底 水向蒼梧重匯聽江頭琴筑元音猶
在人間

七星巖聯云

地有七星隣北斗 人如二客伴東坡

嘉慶甲子吳山芍張石蘭典試粵西揭曉後百菊

溪中丞觴之七星巖席次中丞曰此間不可無一

楹帖因口占一句云地有七星鄰北斗請二君屬

對山芍應云人如二客伴東坡中丞大加擊節因

製聯懸七星巖壁立亭中後署山芍名

桂林榕陰書屋爲著名勝景有聯云

得依獨秀峯銜齋地勝更起屋 高歌五

君詠郡守政閒常著書

南宋顏延之守郡時讀書峯下五君詠乃守永嘉

時作也

潯州西山林壑幽美甲於一郡有唐時李御史明

遠祠相傳御史昆季吏隱此山得道冲舉同治

初年張潤農觀察轉運雙江時游此山撰聯云

人偕皎日秋霜撐持南斗 天與清風明

月管領西山

滇南西山羅漢崖聯

時出雲烟鋪下界 夜來鐘磬徹諸天

滇池之西山勢陡絕上鑿三石洞自山腹蛇行而

上俯視池水一碧如鏡雲華洞其一也洞旁有

一聯云

只合任他頑誰又來鑿開混沌 既然如

此怪我亦欲粉碎虛空

聞爲宋芷潛題大理石洞聯後人移刊於此者

天門巽學海題黔中飛雲洞聯云

洞闢幾時問孤松而不語 雲飛何處輸
老鶴以長閑

貴陽甲秀樓有閣三層登樓北望烟火萬家歷歷

在目樓東有寺曰千佛寺聯云

烟雨樓臺山外寺 畫圖城郭水中天

鎮遠大王灘亭聯云

到岸猛回頭聽舞陽第一灘聲浪與篙爭
好仗神威資利濟 順流須努力看黔國
萬重山水峯隨舵轉全憑忠信涉波濤

熱河後苑有殿三楹額曰萬壑松風聯云

雲卷千峯色 泉和萬籟吟

古今聯語彙選二集 名勝二

又苑之東則雲山罨畫西則皇子讀書處更里

許稍西爲延薰山館聯云

雲移溪樹侵書幌 風送巖泉潤墨池

又延薰山館之後有佛堂額曰水方巖秀聯云

自有山川開北極 天然風景勝西湖

又佛堂之旁有樓額曰雲帆月舫聯云

疑乘畫棹來天上 欲掛輕帆入鏡中

又苑內御座正殿前有臺曰一片雲隨樹築堤

迴川抱山極其明秀又有荷池數畝爲曲水

流觴之地額曰蘋香泚聯云

雙澗常流月 千峰自合雲

又苑內有藏舟塢隔岸湖光空明無際所謂雙

湖夾鏡者是也是處山巔多蒼藤古蘚西嶺

十七

古今聯語彙選二集 名勝二

下有一軒聯云

窗間樹色連山淨 戶外嵐光帶水明

又聯

野靜山氣歛 林疏風露長

琉球那霸有龜山一峯獨出距前附小峯二丈許

那人窟石爲洞連二山高十餘丈其巔有樓可

攬中山全勢册使李和叔中翰顏曰蜀樓聯云

左瞰青嶂右扶蒼石 後臨大海前揖中

山

園林

京都萬柳堂係元廉希憲別業後屬馮益都相國
爲士民游賞之地中有聯云

欽相公變理餘閒過此尋春指點野雲別
墅 緬名士宴游高致曾經銷夏聽歌驟
雨新荷

廣陽雜記云南都各部皆有花園凡公會宴飲於
是乎在吏部名文園兵部名析園工部名藏春
園獨禮部無之後孔玉衡貞毓爲宗伯時亦建
園先名瀛州會後名曰嘒嘒此二字不知何來
作何解也堂聯云

咫尺恐爲羞獻於羹獻於牆俎豆聞之矣
斯須不可去謀之野謀之邑玉帛云乎

古今聯語彙選二集 園林

哉

倚劍吹簫樓詩話云堂伯父寶君先生於留溪之
東築園曰詭園頗饒亭臺泉石之勝地本清初
王氏故址園主人自撰一聯云

舊地憶烏衣問簾外落花可還是當年燕
子 新園倚綠水看池邊枯柳又多添一
種鶯聲

金陵城內西南隅有愚園胡煦齋先生所築俗稱
胡園劉銘傳題園內清遠堂聯云

地近杏花村闌檻留春瀟灑林泉新畫稿
我來梅子雨琴樽消夏清涼世界小神
仙

又彭剛直題園內曼碧含芳軒聯云

駿馬秋風薊北 杏花春雨江南

又黃思永題園內水石居聯云

名士風流花綺麗 英雄肝膽佛圓通

袁簡齋隨園中有一聯云

柴米油鹽醬醋茶烟除却神仙少不得
孝悌忠信禮義廉恥沒有銅錢可做來

又自題聯云

讀書已過五千卷 此墨足支三十年

又某君贈聯

中天懸明月 絕代有佳人

金陵楊氏園有合歡花二株高出屋簷殆百年物

薛慰農觀察題聯云

置酒常招烏帽客 到門先認馬櫻花

又聯

王謝舊烏衣喬木猶存大好樓臺欣得主
邢隨今白地名園無幾來游士女任看

花

周海舫軍門寄居金陵得陳氏樸園葺而新之極

一時花石之盛薛慰農觀察題聯云

百戰功成從戟門牙帳而來謝萬戶侯封
貪看六朝山色 十弓地拓極石磴雲關
之勝問汾陽聲伎何如居士清涼

又題園中喧谷聯云

花塢藏春竹爐暖酒 紅羅宴客白紵微

歌

又題水流雲在堂聯云

魚鳥清閒作濠濮間想 竹石奇古如魏

晉時人

吳中網師園中有一聯云

風風雨雨暖暖寒寒處處尋尋覓覓 鶯

鶯燕燕花花葉葉卿卿暮暮朝朝

寫當時裙屐豔冶之景如在目前今日或未能遠

過也

蘇州漱碧山莊不知其爲誰氏之莊潘玉泉觀察

索俞曲園先生題聯云

邱壑在胸中看疊石疏泉有天然畫意

園林甲吳下願攜琴載酒作人外清游

蘇州倉米巷半園草堂爲金壇史偉堂方伯所構

有劉珍聯云

古今聯語彙選二集 園林

乘輿而來約兩三知己 幽賞未已填一

半兒詞

又田庚聯

滿眼山河此淨土 四時風月屬閒人

又吳雲聯

園雖得半身有餘閒便覺天空海闊 事

不求全心常知足自然氣靜神怡

又園主人題聯

小有園亭山水種樹養魚得少佳趣 雖

無管弦絲竹論文把酒足敘幽情

又園有廣池石船一傍岸額曰不繫舟主人題

聯云

如乘寶筏何須楫 雖有長風不挂帆

園有軒曰君子居前臨蓮池後栽綠竹息園居

士李畊源題聯云

池荷出水清於我 庭草當風瘦可人

園有軒曰遺讀書齋卽雙蔭軒有聯云

三徑餘閒還將書讀 一春無事祇爲花

忙

又李畊源聯

半榻眠琴半甌滄茗 園花獻佛園鳥呼

朋

又有軒額曰且住爲佳上有樓曰待月樓吾鄉

莊心吉先生題聯云

芒鞋竹杖來閒坐 玉宇瓊樓在上頭

又園內新芝亭聯

閒爲水竹雲山主 靜得風花雪月權

瓊秀山莊初爲仁和孫文清公士毅別業道光時

歸吳人汪氏今在義莊內有閣曰涵雲汪惟韶

聯云

流水曲橋通簾卷風前山翠環來花竹秀

涵雲高閣起筵開月下燈紅留向畫圖

看

又潘世恩聯

山隱濃疊翠恰受兩三人坐屋小於舟

雲樹遠涵青徧教十二闌憑波平如鏡

又聯

風景自清嘉有畫舫補秋奇峯環秀 園

林占優勝看寒泉飛雪高閣涵雲

又有軒曰補秋舫汪惟詔聯云

隔院聽黃鸝

張秀山莊在申衛前近鄰黃鸝坊巷

最宜婪尾

花開

庭一本

四壁凝香簾半捲

新醅浮

綠蟻恰好醒心泉澈

庭有飛泉

一爐飛雪酒

初溫

丁雨生中丞歸里後築挈園屬宋華庭司馬題聯

云

談笑傲紅塵記曾襍被來游儘品題鄧尉
梅香洞庭橘色 林泉開綠野試看經綸
小展也管領雨中春樹檻外長江

怡園主人顧子山先生尙有集宋詞一聯云

人瘦綠陰濃清睡休迷向夢裏消春酒中
延晝 夜寒吳館窄新詩細陷在燈前斂

枕雨外熏鑪

吳江同里市荷花蕩有任園爲任晚香觀察家園

水木明瑟足資遊觀洪殿撰鈞有聯云

梨蘗開時正花落鳥啼春風拂面 楸枰

戰罷看天高雲淨秋月滿懷

平望吳氏備園點綴不俗中有一亭可資遊憩某

君撰聯云

鴛鴦在梁魚在藻 松柏有心竹有筠

吾鄉公園內有限石可尋丈色蒼古築亭其旁曰

落星亭吾友翁君佩孚聯云

九天以上亦有陵谷 咫尺之間若接風

雲

又聯

看周遮雲實日華低則若承高則若拱
要擺脫天荆地棘明不如晦靈不如頑

予集司空表聖句云

橫絕太空如不可知虛佇神素 汎彼浩
却是真宰與之沈浮

又集芳茂山人句云

噫氣滿大塊 明星搖空天

上海西園有草地荷池蔣智由先生寓此集杜句

爲聯云

烟綿碧草萋萋長 雨裏芙蓉冉冉香

上海豫園舊有僧寄塵聯云

鶯鶯燕燕翠翠紅紅處處融融冶冶 風
風雨雨花花草草年年暮暮朝朝

又舊聯

曲檻遙通滄海月 虛簷不隔泖峯雲

上海愛儂園聯

咸集羣賢於茲夏屋 獨彈古調不俟秋
吟

又戴鴻慈聯

萬里一枝筇傲世忘榮但得烟霞供歲月
五湖三畝宅依林構宇好來平地作神

仙

又岑西林聯

春雨銜觴秋風馳轂 圓潭瀉鏡雜樹開
幃

又聯

峯巒低枕席 星斗列軒窗

又隻園集詞聯

溪流雲去樹約風來 屋借峯迴徑隨泉

改

又集詞聯

夜涼誰遣此月明 露重風輕 秋翠忽飛

來藤絡苔皴草長

又許淮祥聯

慕南皮勝流朱李 甘瓜願十日平原住

憶西湖好景風裳水珮 作三潭印月觀

又某君聯

水清石出魚可數 竹密華深鳥自啼

又鄒適廬聯

剪取吳淞一泓水 權作廣陵八月觀

又姬佛陀聯

娟娟羣松清風與歸上有飛瀑 采采流

水疏雨相過冷然希音

又吳士鑑聯

德公座上有諸葛司馬相賓主 綠野堂

中與香山夢得爲文章

又夢坡居士聯

西風勝似春柔試梧桐聊分宴俎 斜河

擬看星度駐年華長在瓊牕

南通公園清遠樓張奮齋翁集歐柳文聯云

奇偉秀絕乃在下州小邑之僻 天高氣

迴尤與中秋觀月爲宜

又園內迴碧樓齋翁集范石湖句爲聯云

擬掇好山分坐住 更添畫客倚欄看

又園內適然亭齋翁集句聯

世間科第與風漢 檻外雲山是故人

又園內南樓齋翁集范希文謝康樂句爲聯云

遠山長江朝暉夕陰氣象萬千大觀備矣

良辰美景賞心樂事友朋二三共盡此

娛

又園內與衆堂齋翁聯云

有底忙不來白日青春花開水滿 且應

醒復醉攜壺植杖燕外鷗邊

又園內嘉會堂張退翁聯

子桓南皮盡賓讌歡絲竹並奏觴酌流行

當此之時忽然不自知樂 逸少東郡序
修禊事仰觀宇宙俯察品類後之覽者亦
將有感斯文

又園內宛在堂陸枕泉培原聯

苔痕上階綠草色入簾青此間得少佳趣

荷風送香氣竹露滴清響何處更着點

塵

又齋翁集古樂府宋人詞聯

陂塘蓮葉田田魚戲蓮葉南蓮葉北 晴

雨畫橋處處人在畫橋西畫橋東

又張怡祖集秦淮海詞題西公園自西亭聯

裝點知多少更水繞人家橋當門巷 欲

去且流連有華燈礙月飛蓋妨花

又園內觀青處崇川徐鋈聯

泉漱山根玉 簾垂石磴雲

阮文達有別墅在卻伯湖之北湖塲植柳三萬株

自額所居曰南萬柳堂以別於京師之萬柳堂

也沼湖漁利甲於江北嘗集石鼓文毛詩自題

堂聯云

君子來游貫及柳 牧人乃夢衆惟魚

唐蘭舉先生舊居在中道村新居在緱山村相距

不數里山明水秀尤多竹綠雲扶疏環繞左右

俗尙勤儉人敦古處新居落成某君擬聯云

此地有茂林修竹 臣居在讓水廉泉

又某君集陶杜句爲聯云

聞多素心人樂與數晨夕 翻疑淳樸處

古今聯語彙選二集 園林

自有一山川

宣統初年項城初去京之衝輝小住旋又移輝縣

最後徙彰德築村曰洹上以近旁洹水也築園

曰養壽園以孝欽賜翰名園也園內鑿小湖館

宇頗多日僧子弟幕府游講甚驩園內手題聯

語多可誦者如云

心似南湖常淡定 身倚北斗覺高寒

又聯

虛室千弓皆悟境 明漪一曲是恩波

又園門集聯

可以養性修真還年駐色 爰有嘉禾美

卉垂水叢華

開封宋園在省垣午朝門外經始於癸丑四月園

九

主黃小宋環觀察南海人僑寓開封風雅好客
年八十矣有自題聯云

三百本海棠花老於喬木 四十年梁苑

客今作主人

又某君題園內小蘭亭聯

游梁曾作栽花吏 歸粵將乘載石舟

又華陽女士曾伯淵聯

樊樓燈火梁苑烟花如讀東京夢華錄

何氏山林謝家池閣會續西園雅集圖

又嶺南三十六江漁者胡形恩聯

每爲先生懷故里 時留勝蹟健吟身

開封黃園本名怡怡別墅在省城曹門外經始於

庚子年間園主亦爲黃小宋觀察園中有聯云

二十從軍三十出宰五十作牧七十巡方
倦游嵩洛歸田去 怡園夢草陶園栽花
葵園鋤秀宋園種藥小築樓臺近水居

又聯

前朝荷恩寵尙留錫福增壽宸章 平地
起樓臺都從木屑竹頭妙造

又聯

不負當初心是明月前身梅花知己 收
拾數間屋爲青山有約白水尋盟

開封公園女客廳有合江陳光弼聯云

倚檻愛斜暉看天半閒雲來從劍閣 開
軒延爽籟問夜深明月曾上樊樓

又蜀南周祚章聯

古月滿金梁陵闕尙留丹鳳影 浮雲飛

玉壘草堂時憶碧雞坊

趙石谷先生園中有一亭正對廬山雙劍峯顏曰

看劍處聯云

莫倚雙峯作風雨 收來一室伴琴書

隨園詩話云陳豹章工詩好色嘗築別業於廬江

依山結屋吟嘯其中自題一聯云

王伯輿終當爲情死 孟東野始以其詩

鳴

湖口石鐘山紺園內且間亭彭剛直有聯云

且住爲佳到此何妨小坐 浮生若夢勸

君不必多忙

湖北武昌城內劉園乃明故藩遺址通州劉純齋

古今聯語彙選二集 園林

太史錦霞爲題聯云

挹朝爽西來杯底嵐光飛隔岸 望大江

東去簷前帆影度遙空

西湖宋莊南塘漁舍餘廬主人集宋人句聯云

山外斜陽湖外雪 窗前流水枕前書

王崇鼎題俞樓聯

樓以姓傳萬里關山來後學 地因人傑

一湖風月屬先生

又徐花農聯

四圍花木多於屋 萬卷文章著等身

又張大昌聯

一樣著書廬平分吳郡新詩杭州舊酒

數間枕山屋認取南屏對渡西爽閒亭

又屈元義題俞樓靈松閣聯

求此人之彷彿 撫孤松而盤桓

放翁快閣舊址今歸姚氏會稽李慈銘聯云

放翁萬篇半皆歸里作 柳家副本全是

借人看

原跋海槎二兄居渭南快閣故宅書甚富爲作樓

帖奉贈李慈銘自都門書寄

金硯君先生爲南潯劉激如先生集宋元詞題西

湖別墅聯云

六代豪華春去也尋前夢喜說苕溪玉體

碧筒小山叢桂 兩峯南北只依然與君

謀遊衍佳處劉郎仙苑水部梅花

又集宋詞聯云

路隨芳草遠撫雕闌高閣半開鶯聲到枕

花氣動簾可爲歡細酌茶糜忍辜詩酒

人在畫圖間愛吾廬傍湖千頃嫩水按藍

遙隄影翠情何限淺斟金碧如此江山

又聯

畫舸橫笛玉管生涼在小樓西角一葉夷

猶雨聲破曉催雙槳 翠幙成波朱簾靜

倚記醉踏南屏千巖競秀夕陽長是墜疏

鐘

又爲劉激如先生題小蓮莊集宋詞聯云

午陰嘉樹清圓閑竚立隔院蘭馨翠虬騰

架玉鴨薰鑪小樓東曲屏香暖 人在畫

堂深處惱芳情寶甕酒醒燕子未來夕陽

無語秋千外綠水橋平

又聯

舊盟鷗鷺行到小橋深算重來雪雁將秋
長笛一聲夢回前度芳榭鷗鷺遙指苕
溪路最好是皋禽自舞梅花千樹人在其
中

小蓮莊地名鷗鷺溪有鶴故云

又聯

舊曾遊處度荷分暝穿柳生涼三十六陂
秋色猶是春前翦綠探盟啼紅訴怨百
五雙燕無情

又集宋詞題芭蕉廳聯

檐牙飛翠夜久知秋更無言過雨涼生柔

古今聯語彙選二集 園林

烟縷織 燭影搖紅尊前如夢空凝睇紗

窗月淡膩葉陰清

山陰宋華庭司馬澤元所築息園建亭環植梅花

類曰索笑自題聯云

著意爲尋春居然管領梅花猶是吾家賦
筆及時好行樂試問當頭明月不知今
夕何年

亭後有圓門上書月窟二字故下聯云云

山陰陶紫珍方琦題朱氏樂山草堂聯

一鏡湖山仙子閣 六朝書畫酒人衣

胡蘊山云予家居野之橫岡東西二水灣環合抱

聚於村外鳳凰橋登樓一望氣象萬千故自題

曰迴瀾香海師贈聯云

迴薄心期尙友千古 瀾翻舌本高會羣英

上聯用太白迴薄萬古心意

歙縣許氏臨水亭聯

溪流無歲月 隄樹有春秋

新安孫蓮叔有小樓可觀日出署曰觀旭俞曲園

先生曾宿其中適大風竟夕題聯云

高吸紅霞最好五更看日出 薄游黃海

曾來一夕聽風聲

桐城黃文炳題因樹爲屋聯云

祇一座樓臺占斷六朝烟景 問幾人詩

酒能爭絕代風流

全椒薛懋農觀察解組後築藤香館落成自題大

門聯云

自探典籍忘名利 未有涓埃答聖朝

又廳事聯

杜陵廣廈搆胸中白首無成空自許身稷

契 庾信小園營亂後青山依舊聊堪匿

蹟巢壺

又書舍聯

不著衣冠門前久謝乘軒客 只談農圃

月下欣聞打稻聲

安溪李文貞公宅有小園自集句爲聯云

有水園亭活 無風草木閒

梁山舟題潮州西門落落園花廳聯

脫略公卿跌宕文史 平章風月約束鷓鴣

花

又宋芷澗聯

城收萬景近 天放一山來

又匏瓜道人盛夢岩題園中得月亭聯

欲把前身問明月 放開冷眼看青山

漢軍王兆鸞慕養生之術於粵秀山下自墾場圃

畜魚蒔蔬以爲食不出柴關者近二十年門聯

云

曉烟貼地鷗盈浦 暗水沿籬韭一畦

番禺許賓衡方伯祥光築樓於珠江之濱額曰袖

海自題聯云

石角東西花月夜 潮頭上下海天秋

杏林莊在廣州花埭之東有池沼花木之勝主人

古今聯語彙選二集 園林

鄧蔭泉中翰風雅士也園中廳事鮑逸卿太史

聯云

王右丞輞川詩中圖畫 葛仙翁丹竈物

外烟霞

又桂文耀觀察聯

剪燭高歌儘低徊 本事詩篇閒居歲月

停杯試問有多少眼中奇士夢裏名山

又陳蘭甫學錄聯

紅闌曲曲路三折 蒼石亭亭山四圍

又蘇廣堂河帥聯

百花欲笑夢初覺 萬古不愁雲自開

又袁君泉聯

石含太古水雲氣 竹帶半天風雨聲

十五

又李振祐聯

清坐使人無俗氣 碧樹爲我生涼秋

又番禺陳古樵聯

萬叢樹色亂圍屋 數折溪流深到門

潮州丁禹生撫部日昌家園中有高樓可望遠爲

撫部宴客之所題聯云

如此江山對海碧 天青萬里烟雲歸咫尺

莫辭樽酒值蕉黃 荔紫一樓風雨話生

平

廣州雲泉山館爲孔氏別墅在白雲山濂泉寺之

右有集黃庭堅書爲一聯云

見山樂山水樂水 似隱非隱仙非仙

又張游聯

秋老閒門心自適 時過佳士趣方清

雲泉山館內崔清獻公讀書處有集顏真卿書爲

聯云

猶聞志節傳忠簡 想見藏修似鄭侯

羊城伍氏萬松園池中有石烏柏成林門外古榆

雙株交蔭簷角番禺潘蘭史先生之先德珏卿

茂才爲題聯云

盤石生烏柏 當門種白榆

海山仙館在荔枝灣爲番禺潘德畬方伯別墅門

聯云

海上神山 仙人舊館

又陳棠溪禮部其錕集宋詞聯

等閒辜負年光看綠淨 亭臺翠涼庭宇

何人重賦清景待三生杜牧前度劉郎

又潘卷舟秀才鏡泉聯

荷香盪裏刺船來一笛臨風譜將白石新
詞笑此地不減西湖山水荔子灣頭攜
酒去千觴醉月記得紅雲舊宴與諸公且
問南漢烟花

桂林李園有鏡亭在水中央旁有舟曰怡受航梁

荳隣集韓杜句爲聯云

灌地纒深四五尺野航恰受兩三人

歸化李星齋客牕隨筆云吾邑小峨眉山人謝齡

友家有園林之勝其中楹聯云

春草地通棋墅外筆花山露女牆西

又聯

古今聯語彙選二集 園林

芙蓉徑曲時延月牡蠣牆低不障山

又聯

梧桐葉上聽秋雨楊柳絲中見遠山

又聯

春巢鳥夢花間月秋水魚遊鏡裏天

又聯

燭影夜闌花睡去簾波風午燕歸來

又聯

三生脈望舊編殘問誰染翰軒前一鏡方

塘朝洗硯十載元駒今夢覺苦記讀書

聲裏隔溪古碓夜春雲

朱蘭坡家有小園甚陰僅栽桂一株洪北江先生

題額曰金粟山房蘭坡自爲聯云

曲錄三弓庾信有園難拓地 連蝨一本
劉安之樹可留人

棠陰閣主人題紅藕山莊聯

隨處悟天機無事漫來香國坐 此間宜
夏日有花都作鏡湖看

鄂西林相國題菜圃聯

此味易知但須綠野秋來種 對他有愧
只恐蒼生面色多

于耐圃相國搆蔬香圃種菜數十畦題聯云

今日正宜知此味 當年曾自咬其根

羅文心樓帖探腴載一水閣聯云

猛聽一聲秋涼意欲來先到水 貪看深
夜月清光纔上便登樓

某氏別業存聯云

讀五千卷書方入此室 飲三十日酒還
勝他人

李芸甫水部自題園亭聯

乍來頓息塵囂靜聽水聲真活潑 久坐
莫嫌荒僻飽看山色自清涼

朱竹垞先生題孫中翰執升山曉閣聯

不設樊籬恐風月被他拘束 大開戶牖
放江山入我襟懷

某處園亭聯

高峯入雲清流見底何處更着點塵 茶
烟乍起鶴夢未醒此中得少佳趣

祠廟一

炎帝廟聯

立我烝民莫匪爾極 明昭上帝迄用康

年

邗上螺祖祠聯

明堂靈響期昭應 王昌齡 桑葉扶疎問日

華 曹庶

吳康甫大令在吳山新建倉頡祠前臨浙江後枕

西湖形勢殊勝俞曲園先生題聯云

上溯羲皇畫八卦時文字權輿秦而篆漢
而隸任後來縑素流傳不外六書體例
高踞吳山第一峯頂川原環抱江爲襟湖
爲帶看從此菁華大啓振興兩浙人材

浙江紹南鎮禹廟有聯云

江淮河漢思明德 精一危微見道心

南河雲梯關爲淮黃入海之路關旁有禹王廟

內有臺爲乾隆初年權河督卓亭公所建題曰

平成臺公名完顏偉其裔孫麟見亭麟慶於道

光年間繼爲河督題聯云

與水不爭能力盡八年惟注海 升堂思

肯構目窮千里更登臺

無錫惠山至德祠祀周秦伯聯云

草昧造三吳自南河陽城箕山以來天錫

茲土 豆登崇百世立君臣父子兄弟之

極民無能名

清乾隆間劉爾介先生集句題老君祠聯云

萬丈金身開翠壁

唐司空曙

五千文字闕

瑤緘

唐溫庭筠

有祀孔撰一聯云

觀於海者難爲水 譬如天之不可階

大興符立人有拜孔子廟三律周仰蒼文學改作

廟聯云

生無煖席死有深衣三尺崇封雷雨避

過化存神顯仁藏用兩楹殘夢地天寬

開州長垣之交有閔子篤公西華慕隆阜相望祠

祀二賢祠中聯云

父母昆弟人不問其言 宗廟會同孰能

爲之大

田寶發題仲子祠聯

允矣聖人之徒聞善則行聞過則喜 大哉夫子之勇見危必拯見義必爲

吳柳堂先生題石作子墓聯

梓里訪遺蹤看空庭草碧荒塚花殷何處是唐封宋讚 杏壇親教澤聽渭水鶯啼

隴山鳥語此中有化雨春風

原跋石作子名蜀墓在伏光又有秦壤壤廟赤孔

門七十二賢秦得三人焉墓今荒廢不堪略存基

址生斯地官斯地資也可無意乎

又聯

共仰孔門高問顏曾七十之徒何處最多佳士 休言秦俗悍自鄒魯三千而外此間大有傳人

廣州濠泉寺旁有一廟祀張子房門首石額上書

穀城遺跡鄭元游題其殿前柱聯云

猶作帝王師君臣相與時濟會 雖非介

胄士指揮若定失蕭曹

又某君聯

生叔季世有豪俠心報韓椎秦興劉滅項

絕富貴交爲神仙侶進履辟穀拜石受

書

紫柏山漢留侯廟聯

吃飯最難如公世上無須穀 棄官宜早

爲我山頭多種松

會稽朱約齋先生代人題留侯祠聯云

爲帝者師佐漢功原高將相 棄人間事

報韓心已了英雄

又聯

輔漢復韓仇運策特饒儒者氣 學仙全

主德閉門誰識老臣心

吳柳堂先生題蕭相國祠聯

除去祖龍苛閹澤萬家歌武始 評量功

狗當高名一代屬文終

祠在五泉武始蘭州古郡名相國諡文終

福州南臺山有漢閩粵王廟故俗稱大廟山道光

庚戌郡人醜資重修於其旁建臺山第一亭亭

右復構榕陰山館遠挹羣山俯瞰大江爲城南

勝概其楹帖多集古之作如陳雪樵心葵聯云

林氣映天竹陰在地 月明如畫江流有

聲

又吳梅臣冠春聯

臆中列遠岫 天際識歸舟

咸豐間潞河白讓卿觀察遊閩假居於此復集

一長聯云

銜遠山吞長江西南諸峯林壑尤美 送

夕陽迎素月風雨之際枕簟生涼

閩粵王廟後有瓜蓮精舍蓋閩人于六月爲瓜蓮

會以祀王此其懋息所也前有小池旁卽弔龍

井花石掩映頗具幽趣舊有聯云

瓜雨蓮風池上社 柳烟梅月井邊臺

長沙賈太傅祠有上谷楊翰集句聯云

長沙不久留才子 宣室求賢訪逐臣

殿光祠聯

開襟坐霄漢 得意在烟波

鄧尉山司徒廟或云高密侯鄧禹祠古柏四株皆

千年物俗謂之清奇古怪潘遵祁聯云

此中祇許鸞鳳宿 其上應有蛟螭蟠

又歸安吳雲聯

清奇古怪畫難狀 風火雷霆劫不磨

余小霞州判應松橫州大灘伏波廟聯云

銅柱鎮鳶飛顧盼生風意氣真能吞浪泊

金門留馬式男兒報國姓名何必與雲

臺

李篁仙先生長沙賈太傅祠聯

當年有痛哭流涕文章問西京對策孰優

惟董江都後來居上 今日是長治久安
天下幸南楚故廬無恙與屈大夫終古相
依

四川錦屏山昭烈帝墓門聯

一坏土巍然存問他銅雀荒臺何處是漳
河疑塚 三足鼎今安在剩有石麟古道
令人見漢官威儀

夔州白帝城先主廟聯

興劉義烈著千秋到底祚延兩漢 建業
雄心歸一統休題數定三分

薛慰農觀察題金陵諸葛武侯祠大門聯云

青山繞郭宜龍臥 翠柏參天有鶴來

又集句題神龜聯

古今聯語彙選二集 祠廟一

三分割據紆籌策 萬里笙歌醉太平

江甯治西有駐馬坡相傳諸葛武侯曾駐馬山說
故名山半有武侯祠毀於兵火薛慰農觀察主
講惜陰書院爲鳩資重建遂煥然一新劉忠誠
題聯云

許先帝馳驅東連吳會 有儒者氣象上
繼伊周

又馮夢華編修題聯

駐馬此重經莫問渠天發殘碑臨斷闕
臥龍如可作願爲我翦除他族開濟清
時

又顧孝廉聯

薦公一掬建業水 聽我三終梁父吟

又某君聯

丞相當年曾駐馬 江山終古此蟠龍

趙繼村藩題成都武侯祠堂聯

能攻心則反側潛銷從古知兵非好戰
不審勢即寬嚴皆悞後來治蜀要深思

按趙爲岑西林之師彼時岑方督蜀治主嚴厲趙

故借此規之

又某君聯

淡泊以明志寧靜以致遠 漢賊不兩立
王業不偏安

又聯

隱居以求行義以達 臨事而懼好謀而
成

又蘇鰲石廷玉集杜句聯

諸葛大名垂宇宙 元戎小隊出郊垆

朱竹垞靜志居詩話謂此爲有明黃才伯所集

又鄂潤泉督部鄂山聯

望重南陽想當年羽扇綸巾忠貞扶季漢

澤周西蜀愛此地浣花濯錦香火擁靈

祠

又蔣礪堂節相攸銛聯

曰宮曰殿曰幸且曰奔詩史留題千古猶
存正統 書吳書魏書漢不書蜀儒臣特
筆三分豈是偏安

白帝城先主廟附祀武侯有聯云

托孤尙有老臣未死終能存社稷 拜表

每稱先帝此心可以質神明

四川甯遠府丞相祠戴羨門督部三錫聯

籌筆在攻心當年化洽幘幘冠帶百蠻歸
典屬 安邊曾叱馭此日風清甌脫雲霄
萬古仰宗臣

聞是湖南湘鄉令嚴麗生學淦代撰嚴本才士以

聯名

江湘嵐先生題某處武帝祠聯

此之謂大丈夫富貴不能淫貧賤不能移
威武不能屈 神時恫於中國闕翦我公
室傾覆我社稷蕩搖我邊疆

又某君聯

王業不偏安拒操和權諸葛猶非知己

春秋大一統帝蜀寇魏紫陽乃許同心

又聯

生蒲州輔豫州保荊州鼎峙西南掌底江
山歸統馭 主元德友翼德仇孟德威鎮
華夏眼中漢賊最分明

趙甄北有關廟聯云

乃聖乃神乃武乃文扶四百載承堯之運
自西自東自南自北如七十子服孔之
心

沛城西陽嶺上有關廟邑人朱絨三孝廉有一聯

云

至誠之動孚及豚魚雖阿瞞莫敢不服
大義所歸堅如金石惟使君乃得而臣

又孝廉之子春門茂才篋亦爲聯云

前杜氏而好春秋仗義宣威此老原非徒
左癖 後岑侯而鎮荆楚奉詞伐罪彼蒼
何忍聽彭亡

朱蘭坡曰關廟聯多用生前事遂成俗套余曾擬

製一聯但言尊崇顯赫之意聯云

帝爽有昭明當朝諡號增崇奉戴儀同文
廟肅 神功無代謝亘古河山作鎮靈長
運過蔣侯奇

仙霞嶺關帝廟有集句聯云

江漢以濯之秋陽以暴之磨而不磷涅而
不緇是則同聖人復起 爵祿可辭也白
刃可蹈也見利思義見危授命此之謂君

子時中

朱質民先生元潤題嚴州關帝廟聯云

恨中原事業未盡西川遂令三千載宏綱
龍德蛙聲正閏不明司馬鑑 緬故老衣
冠猶存東浙好把數百年往事黃巾赤伏
興衰共話釣魚臺

明左忠毅公題京師前門外關帝廟聯

漢封侯晉封王有明封帝聖天子非無意
也 內有姦外有虜中原有賊大將軍何
以處之

宋兆輪西湖孤山關帝廟柱聯

從真英雄起家直參聖賢之位 以大將
軍得度再現帝王之身

又張蝶庵偈聯

統系讓偏安當代天王歸漢室 春秋明

大義後來夫子屬關公

焦山關帝廟聯

江聲猶帶蜀 山色欲吞吳

洪北江曰今關神武廟徧海內然柱帖絕少佳者

余少時曾代人作聯云

一樣英雄感離逝 千秋家國尙鷓啼

又云近游三天洞道出孫埠里人方新神廟乞

題句爲撰聯云

稍緩須臾匝歲卽元稱章武 庶幾夙夜

一篇亦志在春秋

侯官吳仲禮渠鎮關帝廟聯

古今聯語彙選二集 祠廟一

灞橋自古有行人問誰策馬而馳大名不
朽 曹魏於今無故物賴此綈袍之贈遺
像猶存

徐清惠公宗幹宰泰安時題岱麓關帝廟廳事聯

云

日出時月上初雨後雪中得無限好詩好
畫 書數卷棋半局鑪香琴韻到此間成
佛成仙

高唐州武廟爲山西鄉祠徐清惠公又題聯云

鄉人到處皆祠祝 先主當年此宦游

昭烈曾令高唐故云

關帝廟諸聯尙多佳者惟地址及作者姓名都不

記憶姑類識於後聯云

九

與尼山並稱夫子 卽諸葛亦仰將軍

又聯

臨大節而不可奪也 非聖人而能若是乎

又聯

至大至剛是集義所生者 宜兄宜弟其爲仁之本與

又聯

漢封侯宋封王明封大帝 儒稱聖釋稱佛道稱天尊

又聯

生蒲州事豫州戰徐州守荊州萬古神州有赫 兄玄德弟翼德釋孟德擒龐德千

秋至德無雙

又聯

生蒲州歸豫州坐鎮荊州赤手定三分基業 兄玄德弟翼德不臣孟德丹心存萬

古綱常

又聯

愧二心臣子 羞同胞弟兄

又聯

氣塞天地能配天地 志在春秋長享春秋

又聯

慷慨一言成骨肉 艱難百戰識君臣

又聯

天地合其德日月合其明四時合其序智
者勇者聖者與繼之將聖 富貴不能淫
貧賤不能移威武不能屈忠矣清矣仁矣
夫何事於仁

夔州先主廟關張神座前聯云

帝德協天論大義昔時漢臣依舊明良共
濟 神威蓋世溯奇功首平蜀道至今伏
臘同歆

崇實題趙順平侯祠聯

兩字勳名高北嶽 千秋大義諫東征
洛陽南門外有關公葬元處明新安汪丙中氏有

聯云

蓋世英雄歸聖域 終天愁恨繞神州

李小湖聯瑋題通州華王廟聯

妙施仁術歿而失其傳雖五禽之戲猶存
奈餘卷摧燒傷心獄吏 恥附權奸死亦
得其所彼一世之雄安在看千秋享祀稽
首醫王

涿州張桓侯廟方葆巖維甸作直藩時有聯云

使君乃天下英雄誼同骨肉 壽侯爲人
中神聖美並勳名

余小霞題荔浦周將軍廟聯

當蜀吳魏之交擾攘一時能擇主 附劉
關張而後偏裨千古竟傳名

虞仲翔祠聯

白眼看人海內相逢誰與語 青蠅弔客

天涯長往恨填胸

唐陶山仲冕有集唐句題陶隱居祠聯云

門前學種先生柳 嶺上長留處士墳

山陰右軍祠有湯塾仙聯云

陵邑久蒿萊 緬江左衣冠尙有文章傳勝

遠 登臨餘感慨 望中原戎馬莫教人物

負溪山

韋蘇州白香山二人合祀一祠有聯云

天意眷耆英 同經宦海風波二老當年皆

上壽 臣心思惠政 重整靈祠香火一堂

太守盡詩人

仁和徐花農琪連州韓文公祠聯

頻年與公有緣 宿太安驛登陽城山皆先

生宦轍所經 每以采風深尙友 八代之
衰頓起聽石鼓歌 誦佛骨表舍坡老雄詞
而外更誰渡海與齊名

又題惠州龍川縣藍關昌黎祠聯

來粵中管領青山 函谷不妨移紫氣 似

東坡後先赤壁武昌 亦可借黃州

龍川境內有藍關其南復有秦嶺

周鐵真於光緒初年以道員需次新疆與總督左

宗棠意見齟齬抑鬱無聊乞告歸過藍關謁韓

昌黎廟題一聯云

百世之師匹夫有志公可法 三書猶在

宰相無名鬼不靈

江南侯竹愚先生在粵時嘗題韓文公祠云

蘇學士前傳謫宦 孟夫子後拜先生

李士彬題潮州韓文公正殿聯

吾道非耶六經以外無文章韓山屹立
征夫遑止太行之陽有盤谷李愿歸來

原跋自潮乞歸書此補壁

柳州柳侯祠有伍實生撫部長華集柳文成句爲

聯云

潔廉爲心忠信爲仗 文章在冊功德在
民

無錫張中丞祠聯

立心忠義感南雷嚼齒穿齦歷四百戰誓
吞安史 浴血功名高李郭羅雀掘鼠率
三千人力障江淮

知海陽縣史桂題潮州雙忠王廟正殿聯

僅可烹妾可殺城不可亡矢志保江淮半
壁 生同歲死同年神亦同祀精忠比日
月雙輝

廟祀張巡許遠

宛陵東平王廟祀唐張睢陽聯云

祿山慶緒悍然其無君父當年卽破孤城
効忠亂賊曾邀富貴之幾時 令狐尹奇
不幸而有子孫今日試登雙廟下拜先生
將置祖宗於何地

錢棣溪曰唐張旭曾爲常熟縣尉故縣城南有草

聖祠今爲文廟土地之神新立一祠於大成門

之右廣文屬余書一聯一額余曰聯句尙易額

甚難也再四思之總未題就偶憶韓文公優入

聖域四字因書付之並撰一聯云

書道入神明落紙雲烟今古競傳八法
酒狂稱聖草滿堂風雨歲時宜奠三杯

下聯用杜詩張旭三杯草聖傳句

閩浙分疆之處爲楓嶺俗呼爲五顯嶺實卽梨嶺

古稱梨嶺祀唐太守李頻李蘭鄉題聯云

地是名山宜廟食 民思賢守本詩人

錢武肅王廟殿柱有一聯云

大哉王言江山保障 懿歟祖德吳越疆

思

又長樂陳某題聯云

池塘得月開新鑑 樓閣如春改舊觀

又張蝶庵俗聯

力能分土提鄉兵殺宏誅昌一十四州雞
犬桑麻撐住東南半壁 志在順天求真
主迎周歸宋九十八年象犀筐籠混同吳
越一家

仁和徐花農琪惠州蘇公祠聯

我久住西湖晴好雨奇曾向春隄吟柳色
公連渡東海朱厓僂耳何如此地近梅
花

金安清題蘇文忠祠聯

一生與宰相無緣始進時魏公誤抑之中
歲時荆公力扼之卽論免役温公亦深厭
其言賢奸雖殊同恨君門違萬里 到處

有西湖作伴通判日杭州得詩名出守日
穎州以政名垂老投荒惠州更寄情於佛
江山何幸但經宦轍便千秋

福州西湖有宋丞相李忠定公祠林文忠爲之修

葛忠定當日所居名桂齋公復於廳事西偏植

桂二株補額並題聯云

進退一身關廟社 英靈千古鎮湖山

又葉季韶孝廉儀昌聯

郊原雨足雲歸岫 臺閣風清月在天

韓蘄王祠有陳燮聯云

高塚臥麒麟回首感六陵風雨 神絃彈

霹靂歸魂思一曲滄浪

杭城乘安橋畔爲岳忠武王初瘞處同治間吳康

甫大令於其地建忠顯廟植柏於庭後大雪枝
幹分披遂至中裂異而誦視之則其樹柏葉松
身固檜樹也又西湖岳廟舊有分屍檜爲前明
同知馬偉所植俞曲園先生以彼則人力爲之
此則天造地設遂題此聯以誌靈異聯云

老奸終古分屍鬼斧神斤劈開檜樹 快
事一時撫掌風欺雪虐壓倒秦頭

張蝶庵岱岳墳枉聯

拓地飲黃龍厥志當酬尙見泥兵溼蔣廟
呼天悲鐵象此冤未雪常聞石馬哭昭
陵

近人題岳墳聯

南郭東都餘片土 明前漢後少完人

岳祠聯

涪王兄弟薪王夫婦鄂王父子聚河嶽英
靈僅留半壁 兩字君恩四字母訓五字
兵法灑英雄涕淚莫復中原

桐城吳廷康錢塘虞文濬合撰岳祠聯

王業偏安歎息北征將士 精忠報國傷
心南渡君臣

武昌精忠廟祀岳忠武王席書臣題聯云

入其國不非大夫若宋高宗且不論 古
之人責備賢者於張魏公又何誅

蔣從禮題西湖宋岳鄂王廟聯

遺蹟鎮樓霞釀酒重瞻新廟貌 大旂懸
落日撼山願學古軍容

又嚴辰聯

靈爽在天必誓度浙水衆生永無冤獄
精忠報國共傳聞朱仙一戰幾復中原

張蝶庵俗林和靖墓柱聯

雲出無心誰放林間雙鶴 月明有意卽
思冢上孤梅

興化木蘭陂有一拂祠明郡守甯波張白齊琦聯

云

天有遺情長送月波明俎豆 代無長物
日收山翠與兒孫

宋顯應侯胡公墓聯

剛毅木訥近仁生原無忝 聰明正直而
一沒則爲神

墓在龍井公諱則官杭守晉侍郎永康人

杭州宋道國公周濂溪先生祠聯

大哉夫子之功訓著遺經圖傳太極遠
矣斯文之統上宗鄒魯下啓程朱

朱文公祠聯

由孔孟而來二千年衛道傳經獨振斯文
統緒當光寧之世五十日格非陳善允
宜此地蒸嘗

又江湘風聯

師統扶君統於微東魯衰聖人生南宋衰
賢人出臨安視新安爲近望帝鄉滄海
月懷故鄉黃海雲

無錫惠山之麓有尤文簡公祠其旁爲錫麓書堂

古今聯語彙選二集 祠廟一

秦小峴侍郎刻公手札陷石祠壁顧晴沙光旭

題聯云

依然錫麓書堂南渡文章上跨蕭楊范陸
允矣龜山道脈東林絃誦同源濂洛關

閩

伊墨卿題陳文惠公堯佐祠聯

沒世不忘真宰相 荒亭猶屬舊詩人

陳璠題西湖龐公祠雲抱水邊樓聯

不須盡吸西江合就西湖薦秋菊 何事

遠追南渡還從南海拜甘棠

又聯

簾前有喜鵲可報 湖上無波鷗自閒

張梅題南屏山張忠烈公煥言墓聯

十七

贈鹿果然圓舊夢 牧羊何事動哀思

又趙光聯

事業已爲前輩錄 典型留與後人看

三忠祠祀宋文天祥張士傑陸秀夫聯云

鞠躬盡瘁死而後已比之殷有三仁同一

肝膽 托孤寄命節不可奪語云天無二

日銘諸腹心

又聯

看江水潮落潮生粵海中國尙有君何處
間關從二帝 聽秋聲風來風去厓山下

天教絕宋至今氣節屬三人

伊墨卿太守題粵東三忠祠聯

君臣三大節 詞賦十先生

甘露寺中有三賢祠祀唐李文饒宋蘇東坡米海

嶽三公李蘭卿撰聯云

溯後先三百載游蹤異代同堂能結有情

香火 冠古今第一流人物文章事業也

如無盡江山

林文忠題上元縣署中程明道先生祠云

愛物爲心一命於人亦有濟 得民以道

千秋斯統不虛傳

張文襄督粵時偶爲言者所攻集句題廣州三君

祠天海澄清閣聯云

海氣百重樓豈謂浮雲能蔽日 文章千

古事生逢異代不同時

三君者處翻韓愈蘇軾也借古人以自況或謂是

梁節庵手筆

五賢祠祀唐韋應物白居易宋孫冕明姚善况鍾

有聯云

政績在斯民溯唐宋明有五大夫吳郡楷
模二千石馨香隆厥祀立功德言垂三
不朽太守風規九百年

吳江西門外有鱸鄉亭四圍房廊曲折風景清幽

中有三高祠奉范蠡張翰陸龜蒙祭祀邑中著

名勝地也清景帝中葉宰斯邑者創爲文社禮

徵名士亭中楹帖不乏佳者如蔣犀林大令一

柱聯云

秋色滿東南看灘迴釣雪橋臥長虹廿五
年宦跡重經大好停車愛楓晚 鄉心動

古今聯語彙選二集 祠廟一

寥廓憶屋繞春山邨堆黃葉三十載歸田

未賦且教借箸味尊羹

又丁芝孫大令祖蔭聯

逝水如斯愧我重來問道晚 高山仰止
始知今日布衣尊

建文帝廟聯

僧爲帝帝亦爲僧一再傳衣鉢相沿回頭
可證 叔負姪姪不負叔三百載江山如
舊到眼皆空

明成祖殺方孝孺於聚寶門外方門人廖鏞磨銘

檢其骨葬之不封不樹莫可認識諸指紳立方

祠於永甯寺後山又聚土爲墳上海徐鯨刻一

聯於華表云

十九

十族遺骸埋聚寶 千年孤塚表長干

于忠肅祠柱聯

千古痛錢塘並楚國孤臣白馬江邊怒捲
千堆夜雪 兩朝冤少保同岳家父子夕
陽亭裏傷心兩地風波

吳柳堂先生題北所楊忠愍祠聯

圓舍亦流芳浩氣常存看此日祠旁大樹
雲司今避席爰書誰定問當年座上諸
公

原跋祠有榆一株樹身高不及垣上分數大枝屈

曲盤結如龍蛇攫擊絕不類榆相傳爲先生手植

物國初燬於火復發更茂密湖望拈香時輒徘徊

其下不能去又刑部直隸司正門永閉堂上虛正

座以先生當日對簿時出入跪立故也祠有楹聯

數則多贊先生忠節夫先生忠節何待後人贊後

人亦何能贊因就其地其物之所流傳者謹撰三

十二字以誌景仰之意云爾

仰止軒有楊忠愍公石捐小像旁列公自書聯三

一云

鐵肩担道義 辣手著文章

又聯

是何意態雄且傑 不露文章世已驚

又聯

人心莫高自有生成造化 事由天定何

須苦用機關

洪北江題衡山王船山祠聯

慟哭西臺當年航海君臣知己猶餘瞿相
國 瀟樓南嶽此後名山著作同心惟有
顧亭林

張齊翁題王心齋先生祠聯

學說宗陽明先生道不可誣儒健者 祠
宇仍海陵故縣居如是近我鄉人

楊升庵祠在新都祠面桂湖湖濱多桂樹又名小

西湖李海帆題聯云

夫惟大雅名千古 所謂伊人水一方

海虞瞿忠宣公祠有聯云

聖代卽今多雨露 宗臣遺像肅清高

慶養泉太守題朱柏廬先生祠聯

講學法程朱欲訥毋欺義理真同性命

古今聯語彙選二集 祠廟一

治家承節孝困心衡慮格言悉準人情

無錫惠山有五中丞祠祀海忠介瑞周文襄忱周

懷魯孔教湯文正斌李文恭星沅俞曲園先生

題聯云

自勝國至熙朝歌詠不忘四百年來五開
府 以事功兼學術馨香無愧九龍山下

一崇祠

揚州廣儲門外史公祠中墓聯云

死含瑤草千秋恨 魂傍梅花萬古香

史閣部祠聯

讀生前浩氣之歌廢書而歎 結再世孤

忠之局過墓興悲

又聯

殉社稷只江北孤城剩水殘山尙留得風
中勁草 葬衣冠有淮南坏土冰心鐵骨
好伴取嶺上梅花

揚州三賢祠有盧雅雨聯云

一代兩文忠到處風流標勝蹟 三賢同
俎豆何人尙友似先生

又鄭板橋聯

遺韻滿江淮三家一律 愛才如性命異
世同心

又祠內桐蔭書屋之後有小亭額曰枕流聯云

鳥宿池旁樹 夏 島 花香洞裏天 許 渾

又亭右石隙有瀑布入湖中湖旁築亭額曰臨

流映翠聯云

新水亂侵芳草路 雍 陶 疏簾半捲野亭

風 牛羣玉

揚州三賢祠舊以王漁洋繼歐蘇後已不稱其後

更奉伊墨卿太守長生祿位於旁而議者益起

自裁撤鹽政後湖上園林歲修無主頽廢不堪

李蘭卿權使捐廉重修江山文選樓桃花庵各

處而別建載酒堂於祠側以祀漁洋於是香火

始正權使並爲之聯云

畫了公事夜接詩人得句皆堪作圖畫

修禊虹橋訪碑禪智此才真不負江山

浙江先賢祠內祀黃宗羲齊周華呂留良杭世駿

諸公錢時貢聯云

古義士誓不與仇共天乃有今日 鄉先

生歿而可祭於社其在斯人

錢輔先哲祠在宣化門外斜街享殿有沈經笙相

國柱芬聯云

三輔黃圖先民有作 千秋金鑑何代無賢

又桑伯儕尙書春榮聯

學焉各得性之所近 賢者亦將有感於斯

又張文襄聯

軒轅臺伯夷廟吉甫墓碑觀聖賢風教所
遺請稽經典 碣石館日華宮首善書院
數幽冀人才之盛直到皇朝

聯

其山恆其水滄其浸洑其藪昭餘祁會大
一統車書淵嶽鍾靈皇建極 鄙夫寬薄
夫敦頑夫廉懦夫有立志萃三千年人物
廟堂觀禮士希賢

祠後附祀忠義文襄聯云

薰膏馨烈光惇史 巴舞騷音奏國殤

右室附祀列女文襄聯云

遠比華陽編士女 豈無劉向傳賢明

其旁有綠勝齋爲謙息所文襄聯云

河朔人才葛祿記 斜街花事竹垞詩

林文忠題嘉定縣歸震川先生祠聯

儒術豈虛談水利書成功在三江宜血食
經師偏晚達專家論定狂如七子也心

降

濟南大明湖鐵公祠聯

一 蓋寒泉薦秋菊 二 更畫船穿藕花

崇禎甲申李自成犯京師連陷冀定河間保定進

士張羅俊等糾鄉勇二千堅守月城殺賊萬餘

城陷死之或哀忠骸三十六人叢葬道署後高

原同治辛未立祠而表其墓惜不傳其姓氏樊

榕題保定三十六忠義祠聯云

這都是燕市英雄問上下數千年似此姓

氏不傳人有幾 何處尋戰場遺蹟贖丘

壠一坏土徒令春秋憑弔我增悲